



GLOBAL TRAINING
NETWORK

A koor ake no Ngim Kerceen 2

Ne Tewolosi a ga'itna o Kiin

Ne Tewolosi a ga'itna Bakaad

Ne Tewolosi a ga'itna a Muc

Version 2.0, June 2025

Ke Refna Kam a Fof ole

O Fof ole

Lesong 1: XA BIY ADAMA I	3
Xar Taxu Roog a Sak?	3
Nam Roog a saktu?	5
Theory of Evolisiong	5
Theory of Teistik Evolisiong	7
Biblical Truth: Sake le Asamaan	8
Lesong 2: XA BIY ADAMA II	12
Ndokand ne	12
Characteristics of the Creation of Man	12
Pattern for the Creation of Man (Imago Dei)	13
The Nature of Man	15
Transmission of Man's Being (material and immaterial)	16
A Taɓand ale no Lesong ne	17
Lesong 3: O Kiin III	18
Ndokandong ne	18
O Koor fo o Tew ka Mbod, a Nguutatir, so a Mbaag Ngiɓoor	18
A Taɓand ale no Lesong ne	20
Lesong 4: Bakaad I	21
Ndokandong ne	21
A Tekit Bakaad ale	21
Me Bakaad a Inoorna	23
A Qaw ake no bakaad fe	24
Lesong 5: Bakaad II	25
Imputed Sin, Inherited Sin, and Personal Sin	25
Sin in the life of a Christian	29
A Taɓand ale no lesong ne	31
Lesong 6: A muc ale I (Atonement)	32
Ndokandong ne	32
Ke Rimna fo ke Taxnaa a Suu'nit	33
Nee a Suu'nit ale a Nandnaa	34
O Magnel a Suu'nit	36
A Taɓand ale na Cang ale	38
Lesong 7: A Muc ale II	39
Ndokand ne	39
Nee Roog a Taapitnaa a Muc ale	39
Conviction	41
Calling	Error! Bookmark not defined.
Tuub	42
O Rimel O Xas	42
O ngim	42
A Ticax	43
A Cofand ale	44

Fokatel kam Basil	45
O tedel.....	47
Glorification.....	51
<u>Bibliography</u>	<u>53</u>

Lesong 1: XA BIY ADAMA I

Bala i mbagaa o geenin a **cangin tewolosi na Pind ake ala jofna no o Kiin**, fo o kiin oxe sakeena a nand fa Roog (Mberaand Naa 1:26-27), i mbara o eet o jaɓ ee **Roog refu oxe sakna** fop. Siyase a waaga o dimle o and in, ndaa ware o doxaa a in mbaat ta suptaa ne i tektitaa a Pind ake ndax i ndeef xa ka xooxood in.

No ke jofna no o kiin, Bibal fe ka jangnita ee Roog saku o kiin o eetand oxe, a sakin ta nandandin fa xoox um, a saktin fo ut ole no lanq ke fo o ñoow xooxood um (Mberaand Naa 1:27, 2: 7). Roog sakee ke moteerna o kiin, to jegée dara ka xottina na siyase ka sakna o kiin. A cang ale lesong neeke ka dimle'a a in ndax I mbaag o geenin tigil ka ndefnaa a bil ake na rondooxka a cangin tewolosi ke jofna no o Kiin kam lesong 2 fo 3 ke.

Lesong neeke ka xottel na safe le ne'eena *"Foundations": A cangin tigil sadku 11 ndax maakin o ñoow of, Tom Holladay fa Kay Warren, Zondervan. 2003 fo Basic Theology (Section VII Man: The Image of God)* by Charles Ryrie.

Wiin we ngenna Afrik naa moof, kaa da ngim ee Roog refu o leng kut oxe sakna wiin we fop ndaa itam ten saku adna fee fo fop ke refna teen. John Mbiti kaa bind ee , *"kam Afrik fop, sake a moyee o jaɓ nen calel kaa Roog a fadinna ."* (Diine ke Afrik fo kaa jofna no filosofi , 2nd. Edition; Oxford: Heinemann, 1990)

Maurice M. Makumba kaa bind ee , *"Sake ale na adna fee fo ke refna teen fop kaa nand fo o ga ole no we ngenna Afrik a njegna na Roog nen Oxe Hupna fop , too a refangaa yee oten Hupu fop; neene boog, no ten o ñoow ole fo a sake ale no fop ke refna na adna a ngeɗ'nooxu . Katil Roog neene refna o Saasak no fop kaa layteel no mayu na betandax fo no qew xew ke mbaafna kam qeet ke Afrik, too a watandooxel no suk boo non suk."* (Natural Theology with African Annotations; Nairobi: Paulines Publications, 2006)

Xar Taxu Roog a Sak?

1. Roog ka sakan a XOOX UM.

- No ke falaknaa, Ke sakeena Roog jegun ndaa refee in. Ka bug i mbelakinoox no kee ta sakna to felakinoox itam no Ten, ndaa ka sak yaam xoox Um fo o ndam Um.
 - *"Yaasam o ndam onqe no Yaal oxe a ref bo kili! Yaasam ta felakinoox no ke ta fi'na!"* (A Kim Tedu Ke 104:31 NLT)
 - *"... oxu refna a juga gon laa ta xooyteel , kaam fi a den ndax da lalit o ndam es ."* (Esayi 43:7)
 - *"Wo Roog, lalti o magnel of took asamaan , o ndam of a mayfand lanq ke fop !" (A Kim a tedu ke 57:5)*
 - *Kiristaa refu nitaal Roog fee a ngid a waageerna o ga, a ref taw um yaaga dara sakafulaand. No ten ke sakeena fop a reefande, ta ref ke lanq mbaat ke took, ke waageena o ga fo ke waagaandeena o ga, ta jof no maat fo ngelfa fo a addax fa sañ-sañ. No ten Roog a saktu fop, a sakanin o ten."* (Kolos 1:15-16)

2. Roog ka sak ndax ta lalit ee o Ten Refu Kilifa Xoox Um.

- Kilifa Took fop ka tekkit ee Roog o ten adwanu fop a saytooxa fop. Sake le Roog ka laltaa ee Roog saytooxu fop. Nangil wi xa Peng a xeeke:
 - *"Wo jegu asamaan jeg lanq ke itam , adna fa muum fo ke refna teen fop wo bindun ."* (A Kim A Tedu ke 89:11)
 - *"O Yaal oxe jegu lanq kef o ke refna teen fop, a jeg adna fee fo we ngenna teen, yaam o ten sinjun took xa maag axe, a geennin took xa quluB axe."* (A Kim A Tedu ke 24:1-2)

- Adna fe Roog jegun. O ten jegu fop ke i nga'aa, ta ref a wo fa mi. kaa i bandel keene kam o ngap o neewu ya i ñoowa took lanq ke.
- Leeng leeng no kee ta sakna a mbaaga o andid ee o jegel um oo, ndaa it mayu andeeran.
- Wiin we mboogna ee Roog refu o Yaal o qol ole nomtooxkeerna, xan a mos o ga ee o leng waage o ñac o and Ngelfa nee Roog.
- Roog o ten refu o cegu oxe mayna fo yirmaande, fo o muñ, a ref o Yaal fop oxe jegna o mbeq, to jege a yiif a fak o ten jegu. Ka i ndef soom waa na yetwanan kee ta sakna to a dengkin a in ndax i geenooxin no o ndam Um.
 - “Wo doj refu o Yaal oxe . Wo fi’u asamaan fee took-ee-took fo katil ke ten fop , lanq kef o ke refna teen fop , xa maag axe fo ke da mbofna fop . Woo na ñoownaa ke sakeena fop too katil ken a asamaan mbaamir of a ngungaa .” (Nehemi 9:6)

3. Roog ka sak ndax ta lalit NEE TA NANDNA (JIKO UM).

- A maya xa saar no Bibal fe axa na lalaa a in ee adna fe Roog a sakna ka lalaa o nandel ole Roog. Deetani a xood of xa saar a xeeke. (Nehemi 9:5-6; A Kim 8:1; A Kim 19:1-4; A Kim 104:30-32; Esayi 43:7; Esayi 51:12-13; Amos 4:13; II Korint 4:6)
 - “Asamaan fee kaa lambnaa o ndam onqe Roog, kuul ne a yegnitaa jale um. Ñaal nuu refna kaa aqatan ngend um, o yeng oluu refna a yegnan ole na reefandkan.” (A Kim 19:2-3)
 - “Na adna a sake, ke waagaandeena o ga na Roog, refna katil mbaafkeer ne ten fo ke ta refna, a mbeeña no ke ta sakna. Meene o mat, wiin we a mbaagu o andit a den. Ten taxu boog, mbaagkaand o mbaasan.” (Rom 1:20)
- I mbaaga ga ne Roog a nandna refantin no keeta sakna. Fat o xaajir fo lakas we sambandaal leng leng .

4. Roog ka sak ndax a lalit o AND UM O YAAJU.

- “Yaal oxe, jale of jegee hap. Kaa o fi’it a den o and, den fop. Lanq ke kaa may muut fo sake le wo.” (A Kim 104:24)
- “O jeg yiif o Yaal oxe a siptu lanq ke, a safkandit asamaan fee o yiy.” (Xa Petit 3:19)
- “O Yaal oxe a sakta lanq katil um soo a letnit asamaan fee o jeg-yiif um .” (Yeremi 10:12)
- Mam o ga’aa o and o yaaju le Roog o feetanga fop kee ta sakna kam adna fe, fo ne Roog a saktoonga?
- Fat i lim a pi’ake no sake le Roog aka na lalaa o and um o yaaju le. Ke um ne’aa refu ee, no and o yaaju le Roog, ka fi boo lanq ke a mbilirooxa a mbidaa njeey ne, mbaat a sakana tiid ke a naf boo ta mbaag o yet.
 - Samandaal ke : Camaane ken a suptooxaa, cat ne no lanq ke, ke qaaj na lanq ke so asamaan fee, xa qoor axe , ju’am fee, ngenan ne no kiin oxe, a ngid, nees fee, cer ke in , etc.)

Nam Roog a saktu?

“No mberaand naa Roog a saka asamaan fo lanq. Lanq ke o ɸor a yoq’u, too sait’eeyo nen tig. Ke widuuna fop a fi nen poofi mayu, a niBa’an tit. Yiif le Roog a yaaraa, a yooroox poofi ke. Maaga, Roog a laya yee, “Fat a qoolaand a jeg”. A qoolaand alaa yee dañ.” (Mberaand naa 1:1-3) Ten geennu keene . Roog a laya yee, fat a qoolaand a jeg, too a qoolaand a dal fo jeg . Neene refu ne Roog a sakitna fop.

“No ngim onqe I andtu yee Roog saku adna fee na pexey fa Lay um , a tax ke na ga’eel a sutoor no ke waagaandeena o ga ” (Hebre 11:3).

Me dara a jeg’eerna Roog a saktu ke jegatna na pexey katil magnu ne ten (kaa xooyeel ‘me dara a refeerna’). Ndaa koy, keene deyee na kid no wiin mayu . Kaa I njeg o bug o magnu no waag o and ne fop a sakteena . A juga xa ka’ood xa tadaq no kaa jofna na sak ale na adna fee too a juga solo ndax o kimu xuu refna a and a den .

- O kiin oxe kaa inoor no muumen (evolisiyon)
- Yoonan o ngim na Roog fo o ngim onqe no kiin oxe inoorna no muumeen (evolution)
- A sak ale Roog layteena kam a Biibal

O ga ole no,kiin oxe inoorna no muumen (evolisiyon)

O delem evolisiyon kaa tekit a supit no saax oluu refna . O ga oleene kaa feednaa yee no miñju kaa, a fada xa kiid cuni mayu, ke na ñjoowaa kam o maag ole a fokatoor fo doole fee no njeɗ ne fo katil ne Roog, a sakooxa a inoor no katil leng mbaat no katil mayu , too a suptooxa no mayu too a ndefat a seek a pogreer a mayu no taxar kaa na ñjoowaa , fo muumen, fo wiin (Charles Ryrrie, Basic Theology).

- O kiin a bug’angaa o layit ne evolisiyon a jegitna no taɓu, a waagan o laliy nene:
 $S \text{ (a suptax)} + SQ \text{ (sak ale na qos axe)} \times W \text{ (waxtu)} = E \text{ (evolusiyoŋ)}$

Jaaku ka layaa siyase a sadkina (damin ta ref ndigil) evolisiong. Fa lay mayu ka na xoolna me sake le inoorna, SIYASE waage o lay ee tigil oo. Calel siyase ka ngicnoox na **DEETLAX/QOORNAX** fo na **“JEEPEET”** . O kiin waage o deetloox mbaat ta baat o sakatin sake le ndax ga nee ta refitina.

Jafe jafe ke njegna na Evolisiyoŋ fee

- **Roog ka farna sake le took.** Jegée na evolisiong maa Roog mbaat njomlaan a waageena o ɓakand.
 - Ke reednax a keenax Charles Darwin ale: *“Jegée dara kam cooxitkaa “na ngomir nee no tikorik ke sake le” a soɓangaa ka soxla comlaan a baatel teen no nqap onqu refnaa no nee ta jegtina.”*
 - Julian Huxley ka lay ee *“Lay ee Roog a jala tik ya maceer ke fo enersi fe a cooxтира a ndeer den no nqap o leng na betandax ale na adna fe, den dik fop ndefee o nqalaat o jaggi to jaree o andel.”*
- **Jafe jafe ke njegna na suptax ake .** a Suptax koy yoobee o jegaa ndaa kaa yoonaa fo coono.
 - Mam cer nqas ke a inooraa ? Jegée a suptax a leng alaa mosna o rim xa qos mbaat sax a saak no njer kam o xos ole jegna boo yut . Keene kaa laytaa na suptax ake na njegaa no njer ne , naangee o ndimaa cer qas .
- **Jafe jafe ke njegna na cil ale na qos axe .** A cil ale na qos axe nangee bisiidaa a suptax a paax kam me widna me xa qos axe a ñjoowaa .
 - Andilooxkoogee o njiriiñ onqe refna na suptax a leng kut yaa i cungaa a suptax a lakas ake

- Keene kaa tekit ee a juga kaa soxla'na a qalaat a qoodu na sak ale ten ref'eerna jaf leng ndaa o ndang , o ndang . Fop kaa war'u o fi'el jaf leng kut . A ngid ale no kiin oxe kaa ref samandaal na yoon aleene .

- Muud ke ndefu **10¹⁶¹** na 1 kaa ndef ka meraandena o ga ma “poroteine a sakteena na mud kam a betandax ale na sak ale na adna fe, jiriñoor xa “atoom” axe fop ndefnaa kam adna fe. (James F. Coppedge, *Evolution: Possible or Impossible?* (Zondervan, 1973).
- Keene refu misaal ne saqna a sero **161 axe**. A sobanga sax ee o “molekil” ka sakel, waage o dimle’it boo ta fi o molekil « porotein » o dikkandeer a waagel o sak, a sobanga a pexey a njagu / sedu naa ta waageena o jeepetit/laalti jegee.
- A sob’anga sax a waagwa, xanta jeg xa qos porotein xa mayu axa soxla’eenayo boo njeer ñoowu a waagka o jeg.
- Ne Morowitz’s a ga’itna ke na layeel “selil”, na molekil porotein 239 ka soxla’eenayo, a neew-neew xa qos porotein 124 xa pogreer a mbara mbog teen protein. Keene kaa ref kaa waageerna o jeg na liif.
- O yaal o and ole ne’eena Lecomte fee Nouy a gen France a fi’a a xayma no ke waagna o jeg **1 x 10²⁴³**.
- Xa kiid cuno mayu sax mbaagkoogee o a mbañ a liif aleene mbaat ta suptin a liif ale moyna waag o fadnoox .
- Ndax i lay keene ta moy o xool ... A jega xa qoor **10¹¹** kam asamaan ne na xooyeel *Milky Way Galaxy*. A jega milyar no “galaksi” kam asamaan ne. A lim no xa qoor axe mbaageena o nga a foda nen **10⁸⁰**. A lim a yaajaan a leene wagaand o liif sax fo saas mbodne waagnaa tax boo o porotein o leng a waag o jeg (**10¹⁶¹ or 10²⁴³**).
- Kon na xa delem a xeene, evolisiyon a refa kaa waageerna o jeg na liif.

- *“O ngim o magnu o kiin a soxlaxu ndax waag o gim ee evolisiong saku “par saas” o ñoow olu mosnaa o jeg na adna.” (Charles Ryrie)*
- O gim ee o ñoow ka sutoor no saas ka nand fo a abyong a 747 aka ngur naana wiliirwa a fokatna took a siindiin ale.

- Pexey neene na laytaa o and kaa lay ee a refangaa sax ee doole ke ndefna kam adna fee kaa madaa meen, ke hupna teen jegna o njiriiĩ kaa waajooxaa soom .
- Fop ke dal’ina kaa jaxasooxat , a refangee kaa doole inoor a mbinj o lakas a gar ndax ta nomtin ne ta jegit’eena .
- A tontoox a leng kut ale “evolisionist” ke a cooxtaa refu ee, a wara o jeg ke guutatirna na pexey dikandeer feene boo evolisiong a waagkaa o geenoox.
- Pexey nguutatiru neene koy refkee lakas dalna njomlaan, too evolisionist ke njaɓee o fokat njomlaan na cangin ale ta jangnaa no me adna fe a xatna.

- **Jafe jafe noo waag o lalit ke safakinna o ga ole na lalytaa ne o xos oluu refna no sake le a suptootna .**
 - Charles Darwin ka jaḅ ee “jegee me tik leng a suptooxna tik lakas a bindeena ... i mbaage o lalit ee tik leng a mosa o suptoox.”
 - A juga cegel qas ka sakteenayo nqawrand xa qos ndaa o kiin mosee o supit o xos njegel ta ref o xos o lakas o xas.
 - Bibal fe ka tee Roog saku njegel nu refna “nu refna fo nqend um”. Raport ke no “fossil” ke saqee dara ka waagna o lalit o xos ola evolisiong a sakna.

Laamit: a soḅanga ee ke waagna o tax evolisiong a jeg yooḅe, ndax a waaga layel ee Roog ka dimle’u evolisiong? Ke bugma o lay refu, ndax a waaga o ref ee Roog ka jiriñoor evolisiong ndax a saktin adna fe? Laamit neene ka ḅisaa a in no pexey maak ḁikkandeer neena layaa no me sake le a xatnaa: **Teistik evolisiong.**

O ga ole na laytaa na suptax ale jegna na pexey Roog fo na pexey o kiin oxe

Kee ta tekita: Teistik evolisiong ka layaa ee Roog ḁoxu, jiriñooru, jangandi “naturalistic evolisiong” ndax a “sak” adna fe fo fop ke refna kam fe. O ga o leene ka fof o nqalaat onqe na xalataa ee na pe ake no Mberaand Naa no saar 1 a jeg’a xa qiid, ee evolisiong a fog’a na sak ale Adama, to adna fe fo ke eetna o sakel a maakaa boo refat o kiin a reedḁa ka nogoyna/ka minna lool. (millions, maybe billions of years old).

Jafe jefe ke njegna no ga ole na Suptax ale jegna na pexey Roog fo na pexey o kiin oxe

- **Bibal ne ka dam ee Roog refu oxe fogna no calel ke na sak ale adna fe no saax o saax.**
 - ‘Baati o deet kam xa Kim a Tedu ke 19:1-2 fo Nehemi 9:6 fo A Kim a Tedu ke 33:6,9.
 - *“Wo donj refu o Yaal oxe! Wo fi’u asamaan fee, asamaan fee took-ee-took fa katil ke ten fop, wo na ñoownaa ke sakeena fop, too katil ke na asamaan mbaambir of a ngungaa.” (Nehemiah 9:6)*
 - *“Na pexey fa lay o Yaal oxe a sktu asamaan, sook e refna teen fop, ta saktin haaf le no don um. A fokata poofi ke no maag ole nen foofi kam mboxos, juwaam fee, ta sodin no pand. Fat lanq ke fop a sadar o Yaal oxe. Fat adna fa mum a send mbaambir um, yaam kuu ta Layna ta jeg. Kuu ta hebilna ta sakoox. » (Psalm 33:6- 9)*
 - Xa Peng a xeeke cooxtee misaal ee Roog oxe ferna a sak ale adna fe, ka ret a waasin, too sake le a suur a sak xoox um.
 - “Jafe-Jafe no o fasong teistik evolisiong olu refna...refu ee ka tekit a sak ale ka ref saas(chance). Ka nand neen a lind ale jegna coñ nahik. Jegee tik nandu neene. Fokataa evolisiong fo sake le ka nand fo xot tik ka jegna coñ nahik so yoorin kam a semb ala fi’na a lind. Kaa waage o ref.” (Greg Koukl, *Michael Behe’s Theistic Evolution*)
 - Boo fa ndiik, Roog kaa saytooxaa too a topatooxaa adna fee . Nandee fo oxe na fi’aa xa montar , fee fi’na o montar too cinj kaaga, ta mooc, a waasin ta ṽaaḁ’anaa a xoox um . Ndaa na Roog, reftee naaga , kaa fog no ne adna fee a ṽaaḁ’taa yaam o ten sakun . Roog kaa safakintaa fop na pexey fa lay fa njegu katil fee ten ” (Hebre 1:3) and “No ten fo ke sakeena a fokatoortu a refat leng ” (kolos 1:17).
 - “Boo Roog a war’ina o sut fa lay fee ten na dimle’taa, neene fop ke sakeena, ke refna no yiif mbaat ke na jiriñjooreel fop xan a yen a lanq a mooc boo faw . Ne adna fee a maadna o refaa no jamaane fo no jamaane koy kaa ref nen njomlaan magnu faa na laltaa calel ke Roog ne ta feeñitna ye ta soogaa o sakel .”
(Bruce Milne, *Know the Truth: A Handbook of Christian Belief*; InterVarsity Press, 1998)

- **Xa Saar 1-11 na safe le Mberaand naa, a nax ndii a betandax ndigil.**
 - A safe le no Mberaand naa refu daax le no Bibal fe fop. A safe le no Mberaand naa ka wetandooxa ne adna fe a fertina, njeey ne fo nee ta saxitna, lanq ke, o ñoow ole, o kiin, bakaad, Israel, qeet ke, fo a muc ale.
 - And a safe le no Mberaand naa a paax ka faax ndax i mbaag o and ke yoqna na Pind ake.
 - Misaal, o deetanga xa saar 1-11 na safe le no Mberaand naa ka layel boo ke hupna a caf 100 kam Nqaarit Nqas ne soom. Oxu refna no biibind we no safe le no Nqaarit Nqas ne ka lay ke jofna na xa saar 1-11 axe na safe le no Mberaand naa.
 - I mbara o niir a safe le no Mberaand naa nen a betandax ndigil yaam neene Roog a bugtu ta niirtel neen so a andteel neen.
 - A betandax ale na sake le refee a qayaand, mbaat a nax ala na xoolna no ne fop ke i nga'aa a jegitna. Mberaand Naa xa saar 1-11 ka ref ndigil.
- **Fodand sake le Roog fo fa Lay fe Roog neen ka na feeñla a Roog.**
 - Asamaan fe ka weeja o ndam onqe Roog ndaa keene ka ref **mbeeñil yaajaan** ne soom.
 - Mbeeñil quyu ne ka xat na fa Lay fe Roog to a jel lakas nu refna no waag o lalit ndigil fo o bug ole Roog.
 - *"Daaf le xan a weer, pid ke a pooroox, ndaa fa lay fee Roog in xan a ref boo faw."* (Isayi 40:8)
 - *"Xan asamaan fo lanq a mbaaf, ndaa fa lay es faafkee boo muk".* (Mace 24:35)
 - Fa Lay fe Roog xupu ngilifa sake le yaam ten na mockaa o miñ sake le. Njiriñ sake le refu feeñil ee Roog a jega ndaa o njiriñ Bibal ne refu dox a in ma Roog oxe refna oxe sake le a laytaa.
- **A Sake ale Awa**
 - Adama, nee ta layteena, ka sutoor no formo eetaand no kiin ne sakeena, nee andoona Roog ka wuud' no ten o ñoow, ndaa Awa sutooree no formo no ñoow o eetaand o leene. Ka sutoor na fa lay na sakna sake le.
 - Too a wattangaa neene no Awa, xar taxu waagee refit neene na Adama itam?

Ndigil ne na Biibal fee : a sak a com'antu le

Gee ta jegna jeg fa lay mayu pogreer no ke jofnaa no ne adna fe sakteena, ndigil maak ne refna no keene refu ee Bibal ne soom refu daax/koor ale. Siyase a waaga o dimle o and in, ndaa ware o maajnoora a in muk mbaat ta supit nee i tekittaa a Pind ake ndax waag o jiriñoor ge i ga'naa ten nee i mbugtuuna.

Weena layaa ne adna fe a feroorna ka may xa ka' xa pogreer teen, ndaa oxu bugnaa o ref oxe na layaa ke jofna na sake le, a wara o gim ee Bibal ne kee ta wetandooxna ndigil oo too it Adama refu o kiin oxe eetna na adna.

- **Ke layeena na sak ale**
 - *Roog a jega* . Biibal fee kaa laytaa a qool qac ee Roog a jega (No Mberaand naa 1:1).
 - *Roog fee faafkeerna boo muk* . Ndax Roog a waag o sak , o ten fa xoox um kaa war o jeg boo yut a eet o ref fop . Ne Roog a refna oxe fagkeerna kaa cooxtaa o tontax no laamit njegu o njiriñ ne ewolisiyonj a waageeerna, "Nam tig a waagu o refit yaa ta moseerna o jeg ?"
 - *Ne a Pind ake a ndeyeena o ngoloox nen fa Lay fee Roog* . Pexey ne i anditna a sak ale no kiin oxe fo a sak ale na adna fee refu a Pind a tedu ke Roog a feeñilna . A fada boo a caf 17 kam safe le no Mberaand naa fo itam kam a Pind a tedu ke , Roog kaa xooyeel o Saa-sak oxe .
- **Ne a sak ale a jegitna**
 - *Na pexey o ngim i andilooxtu ee adna fee kaa saktel fa lay fee Roog ndax ke na ga'eel a saktel ke waagaandeena o ga* (Hebre 11:3).
 - Katil magnu ne Roog a saka tig maa dara a jeg'eerna (kaa xooyeel ke inoorna maa dara a ref'eerna).
 - Ndaa Roog kaa jiriñoor'u tig lakas kaa ta eet'ina o sak ndax ta sak cer ke no pindel ke na ñjoowaa (No Mberaand naa 2:7,18-22).

- **Jamaane fee na sak ale**

- A jega mene xa ka'ood xa fak no waa na laytaa na sak ale na adna fee fo itam o ga ole na sak ale Roog jeg'ina ŋaal betaa fa leng.

O Ga ole o guutaturu le

- No Mberaand naa 1:1 – Sake laa jegeerna o anad too a ŋak sik (ndaa o kiin oxe foguee teen).
- O ga no waxtu faa o leng a andeerna jamaane fee, too na waxtu faaga saytaane a maafee , waxtu faa poofi mayu ke a quufna o ŋoow ole , nandu neene mosee o jeg .
- No Mberaand naa 1:2 fo ke reefanduuna – a “sak” ale kaa fi’el na pe betaa fa leng , too na pe akaaga itam Aadama fa Awa a sakee.
- Jafe jafe ke :
 - O ga o guutaturu le jegna a ndeer o penj 1 fa 2 no safe le no Mberaand naa gec’nooxee na cangin a safku leng .
 - O ga ole martirna fo jamaane fee wiin we a njangaa kaa jofna no ne lanq ke a saxitna ; a suptax ale na jegaa teen fo ne ta xewtaa , kaa nandit nen kaa na yoonandaa a safe le no Mberaand naa fo waxtu fee wiin we a njangaa ne lanq ke a saxitna .

O ga ole na laytaa ŋaal ke na sak ale na adna fee

- O delem “ŋaal” kam a pind ake (“yom”) a waaga o laytaa camaane lakas pogreerna fo baxtu 24 ke na njegaa no ŋaal leng (no Mberaand naa 2:4; a kim a tedu ke 20:1, etc.).
 - Baxtu 24 no ŋaal ne refu ke Nqaariit Nqiid ne a moyna o laytaa .
 - Jamaane faa o leng a andeerna a mban ne ta ref’ina.
 - Xa kiid xa mayu
- We na laytaa no kaa jofna na sak a eetaand ale no lanq ke kaa ngim ee ŋaal nu refna na sak a waaga o nandit xa kiid cuni /mbaat nguutaturu ne jegna no baxtu ke no ŋaal ke bes fuu refna. A jeg’a waa eet’ina o sakel a Aadama a ŋoowoogu took lanq ke ndaa taamaala mayu taxu boo da nqon .
- Jafe jafe ke :
 - O ga oleene kaa neewandaa katil magnu ne Roog sakna fop; nen kaa ta soxla baxtu mayu ndax ta fi tig magnu nandu nen sake le.
 - O ga oleene kaa nandit ee kaa eet o jab ke we na njangaa kaa jofna no ne lanq ke a saxitna a layna too cinj kaaga, da mbug o yoonand o ga oleene fo ke a pind ake a layna .

O ga na laytaa “ŋaal betaa fo leng ke” mbaat “lanq nqas ke”

- Ke moyna waag o jabel no ŋaal betaa fa leng ke n sak ale refu yee kaa ndef’u baxtu 24 ŋaal nuu refna.
- O jab o maak ale war’ina wiin mayu layteena kam safe le no Mberaand naa 6-8 refu me wiin we a ngec’nooxna ndax ta njang ne lanq ke a saxitna fo a suptax ale na xewaa teen .
- Roog a saka adna fee na “kiid axe liibeena no ga.” Taxar ke, muumen kef o o kiin oxe kaa liibaneel xa kiid nno jamaane fee Roog a sakna a den .Neene boog, refkee kaa betna a in yaa lakas ke yoqna fop na adna fee xa “kiid den a liibteel”no o ga .
- Adna fee i ndefna a waaga ŋak o jeg xa kiid cuni 6 xa kiid (4000 yaaga Yeesu garafulee .) **boo i** deetna ne qew xew ke a ndeepatiritna kam safe le no Mberaand naa (too we na njangaa no kaa jofna na sak ale na adna fee a safakina ke bindeena mene).
- O ga oleene na layaa ee lanq ke “miŋee” too ta soɓ ta jeg xa kiid cuni cuni, yoonee fo o ga ole no yaal o and we na jamaane fee in xaye . Ndaa koy, ke ga’eena kaa nandit ke wiin we a ngestooxna boo a nga’in. Ekol maak ne na gestooxaa no kaa jofna na sak ale na adna fee fo mal lakas mayu , a mbi’a a safe mayu fo lakas kaa na safkandaa o ga ole na Biibal fee yooneerna fo o ga ole na laytaa a suptax ale jegna cinj a sak ale Roog (ewolisiyon).

A jega laamit teolisi maak na wareena o deet ta ref a mban Roog a saki ... A mban bakaad a rokiidi kam Adna?

- Bibal ne ka lay a in ee Adama ka tan'u a yen kam bakaad na bisiidna fa ngon fo njom nee no sake le kam bakaad (Rom 5:12).
- Rom 8:20 ka lay a in ee sake le fop ka coonoxaa yaam bakaad ne Adama.
- A muc ale Yeesu a bisiidnaa a in ka xiBoor kam Nqariit Nqas ne fa a betandax ale bakaad fe Adama (I Korint 15:21-22)
- Ten taxu, o nqalaat onqu na layaa cigeer no fa ngon no kiin fo njom ne sake le a yenna kam bakaad fe Adama fo Awa ka ref fa lay na guutatirna fo a cangin a qoolu le fa Lay fe Roog.

A qalaat fo o ga a muukir xotteena no safe le Charles Ryrie, Basic Theology

A jeg'a no ndigil , na jamaane faa Roog a sakna adna fee fo asamaan fee fo kiin oxe na pexey katil magnu ne ten mayu . Fañ o jaḅ , baat teen lakas kaa fogeerna teen , bisiid kaa taxna wiin we a njeg a yiif a fak no ke safe le no Mberaand naa a jangnaa , waagee a moocin ndigil neene , yaam calel ken a sak ale Roog no ndigil kaa mbindel kam Biibal fee (A Sutax ale 20:11; 31:17; 1 Caloori ke 1:1; Yob 38:4-7; Mace 19:4-5; 1 Korint 11:7-8). Boo I nqolooxna ke safe le no Mberaand naa a jangnita, neene i mbara o nqoloox itam a pind a lakas ake na Biibal fee na layaa na layaa no keene.

O jaḅ o maak ole duqna adna fee a xew'a no jamaane fee Nowe. Ke ta duqna adna fee fop koy a laytee boo kaa hupna a caf xarḅaxay fo a caf a fak kam safe le no Mberaand naa, 6-11 kam 2 Peter 2:5 fo itam 3:6. O Yaal oxe fa xoox um a feedna ee o jaḅ ole a jeg'a no ndigil , a laytaan kam Mace 24:38-39 fa Lik17:26-27.

O Jaḅ ole koy a bisiid'a a supit no ne wiin we a ñjoowtoogna a cinj yee ta faafna . Keene a waag'a tax boo wiin we a supit ne da limtoogna xa kiid axe. No Jaḅ ole koy fop we ndef'eerna kam a kaal ale Nowe, a fi'ina a ngon'a , boo I nqolooxna xa qiic axe no we nqonna ndef'ina took lanq ke .

"Mberandoong" ne no safe le no Mberaand naa 1:1 kaa nandit mberandoong ne na sak ale na adna fee . O perj o eetaand ole kaa ref fa lay fa safku ndaa ref ee o bug olaa ge'nooxna no perj 2 ole. A sobangaa sax ee o perj ole layee waxtu fee Roog a fadinna calel magnu ke ten keene .

- Leng leng no we na njangnita no kaa jofna na sak ale na adna fee kaa ngim ee lanq ke miñee /kaa sakatinel , ta ref lanq ke fo o kiin oxe .
- Lakas we o ngim ee o kiin kaa jeg xa kiid (4,000-10,000 years) ndaa lanq ke moyu o miñ o kiin oxe . O ga o guutatiru le na sak ale fo a cangin ale na yoonandaa a betandax ale no safe le no Mberaand naa fo o ga ole no wiin we na nqoyooxaa yaal o and no ne adna fee a sakteena , na safakinaa o ga oleene.
- Wiin leng leng soom mbaagu o andiran o kiin oxe feeñleena na xa kiic' , refna oxe ref'ina meen no miñu kaa, a ñjoow too a xon yaaga Aadama garafulee , ndaa Aadama kaa ref mbindel naa sakeena no miñeeru .
- We na njagnita kaa jofna no ga ole ewolisiyon kaa nga'aa o kiin oxe nen kaa miñna fo ke a suptax ale a rimna too xa qos axe no wiin we fop a inoor no ten .
- Wiin leng leng soom njaḅu o saar ole No Mberaand 1:1 nen sake ndigil le Roog a hate'un , a waaga o ga'el no ke reefanduuna , too i niirin no Mberaand naa 1-2.

Sake laa adooxna le layteena kam No Mberaand naa 1:1 a waagkooga o jeg ndaa kaa nand ee mosee o jeg . Boo nandu neene a jeg'ina, too ta jeg'u taxar fo muumen kaana ñjoowaa , neene boog xa kiic' den a mbeeñkooga na jamaane faaga .

No Mberaand naa 1:3 kaa laytaa ndooran ne no ke xew'ina fop no ŋaal eetaand ne (yaam keene bindeena "Naaga Roog a laya, "fat a qoolaand a jeg..."keene kaa feeŋ no ŋaal lakas ke ndeefanduuna fop). Keene kaa tekit ee i andee ne lanq ke a yoq'ina ɓor too saxit'ee nen dara layteena no per 2 a miŋtu (ye keene a suptooxna) boo yaa ŋaal ke layteena a njegaa . Ndaa ta miŋ mbaat ta ŋak o miŋ, keene fi'ee a suptax a leng no taxar ke , no muumen ke mbaat sax no ŋoow ole no kiin oxe adooxna a Aadma (Mace 19:4; 1 Korint 15:45). Neene , lanq eetaand ke jeg'eerna sik fa leng a nogoy'ata , ndaa ke no lanq ke jegna a suptax, ta ref taxar ke, muumen ke, fo kiin oxe , den fop we sakeena kam ŋaal betuu fa leng ken a sak ale Roog , mbaagee moy o xuud ŋaal ken a njegaa baxtu 24 ndaa ke we na njangnaa ke jofna no lanq a mbindna a njabaan .

No ndigil, wiin we njegee o ga o leng no ke jofna na waxtu fee Roog a sak'ina adna fee. Ndaa koy, kaa nandit no ndigil ee o kiin a falakna o feeŋaa a layteena a paax kam a betandax ale na pind a tedu ke . Boo i layitna sax no ga ole na laytaa na baxtu ke na sak ale na adna fee (Day-Age) o kiin oxe kaa sak'el no ŋaal bet-falengandeer ne na sak ale , too keene a waag'a o ref kaa miŋjeerna lool . A taabul ake wiin we a mbindtoogna kam safe le no Mberaand naa 5 fa 11 (a sobangaa sax ee a njega nguutatir a ndeer den) a naanga o njangnitaa itam na Aadma feene na soogaa o feeŋ.

No taɓ-raɓ: Cinj keene fop, kaa i mbar o ngim ke Roog a layna no ke jofna no Sake le . Jeege o kiin o leng oxe maadna yee keene a xewna . Ndaa Roog fa xoox um feeŋlun a Moyiis no ndigil, ten fee ref'ina o piibind o booru xe jarna o xoolooxel. Ndaa koy, refee fop ke xewna bindee kam a betandax ale , a pi a mayu, kaa ndef kaa mbarna o nga'el nen kaa waagaandeenaa o and boo ta fag nen a Pind a tedu ke. Ndaa koy, tigil ke mbeeŋleena kam safe le no Mberaand naa kaa safakinel kam xa saar xa lakas kam Biibal fee too o Yaal oxe in fi'oodun .

Kene kaa ref xa saar xa leng leng na Pind a tedu ke mbaagna o dox a in kam a simat ake fo a padax ale kam teewaay fee Roog yaam sake magnu le ten yonna fo comlaand mayu :

- A Kim a tedu ke 104
- A Kim a tedu ke 121
- A Kim a tedu ke 8
- Esayi 40:21-31
- A Kim a tedu ke 95:1-7
- Rom 1:18-25
- Sarj 1:1-4
- Kolos 1:15-16
- Hebre 1:2; 11:3

Jetaay :

Xar refu ke o mbaax onqe nuun a gimna no ne wiin we a sakteena ?

No xar keene a nandu fo o ga ole no ngim kerceen , fo xar refu o nguutatir onqe waageena o ga teen ?

Lesong 2: XA BIY ADAMA II

Ndokand ne

O Kiin refu o jul ole no fop ke Roog a sakna. Wiin we soom sakeeyo a njeg kaa ta nandaa fa Roog. And ke i ndefna fo ke keene a tekita na kid Roog ka ref a seek a cegu solo no ga ole no Bibal fe.

Mbeeñil ne na Pind ake: Mbeerand Naa 1:27

“ROOG A SAKA O KIIN TA REF NITAAL UM, A NAND FO TEN. ROOG A SAKA O KOOR, A SAK O TEW.”

- Xar refu nitaal nee Roog?
- Xar taxu Roog a lay boo a caf a tadak kam o ping o leng ee wiin we ka sakel na nitaal Roog?
- Xar fa lay a sak a den “o koor fo o tew” ta nandaa fo ten a tektu?
- A sobanga ee ka i sakel no o nand fa Roog, ndax kaaga ka tekit ee i njegaa ke xelna o ref a keenax in na adna fe? Xar a keenax alee ne a refu?

Mandarga ke na sak ale no Kiin oxe

Kaa ref kaa Roog fa xoox um a daap’ina (No Mberaand naa 1:26)

A sak ale na adna fee kaa ref ke ge’noox’ina took o bug ole fo daap ne Roog . A sak ale refkoogee ke motna yaa o kiin oxe a fog’eerna teen . O kiin oxe refee ke Roog a falakna o xalaataa ndaa ka ref ke Roog a buganna a xoox um ta fog no daap ne ten.

Kaa ref ke jegna na waxtu fee Roog a bug’uuna (no Mberaand naa 1:27; 2:7)

Laytee no kaa jofna na suptax ake o kiin oxe a jegna no mem um fo ngiin um . Fo ut ole no lanq ke me njer ne no kiin oxe a inoorna waagee o ref fa lay fa bor no kaa jofna no caq ke mbaat o mem ole no muumen leng leng yaam Roog kaa lay ee o kiin oxe xan a nomtoox no lanq ke ta inoorna yaa ta xonna , too jegkee o nand no muumen o leng (No Mberaand naa 3:19).

Kaa fokat tig tik pogreer

Roog kaa jiriiñoor’u fo ut ole no lanq ke too no keene ta wuud’xaad o ñjoow . Keene taxu o kiin oxe a ref mbindel naana ñjoowaa . Neene itam Roog a fi’tu no muumen ke (No Mberaand naa 1:21, 24; 2:19), ndaa yaam ne muumen ke a pindtaandeenaa no nand Roog, a jeg’a nguutatir ndeer muumen ke fo o kiin oxe . Awa kaa inoor no saax ole Aadama too Roog a tabaxin a fi’in ta ref o tew (No Mberaand naa 2:21-23).

Ke taxna o kiin oxe a sakel (Nitaal ne Roog)

Roog kaa sak adna fee ndax ta lalit o ndam um (Esayi 43:7; Efes 1:11-12). Boo i andilooxna yee Roog kaa sak a in , ndax gon um o boxotel o ndam, keene kaa laltaa o njiriiŋ onqe xa ŋjoow in a njegna . Kaa i ndef we nqupna o njiriiŋ no sake le Roog fop , too no keene fop, i mbaaga o tipoox o ndef waa na laltaa o ndam um.

Yaam ne Roog a sakna a in yaam o ndam um, calel in kam o ŋjoow in refu i mbesooraa too nqalaattaa ne waagna o tax Roog a boxotel o ndam . No sambandaal: Boo i topatooxaa we i adooxanaa, kaa i mbeeŋlaa o nand ole ten , boxotan o ndam. A juga xa saar xa mayu axaa na mbapaa a in ndax i mbelakinoox no Yaal oxe (Filip 4:4; Saak 1:2 fo xa saak xa lakas). Boo i siwandaa o magnel ole Roog in, yaam ne o kiin oxe soom a waaguuna o fi, kaa i yodaa gon too boxotan o ndam onqe ta yeloorna.

Laamit ke

- Xar refu a seek ale no kiin oxe nanditna ale sakteena no nand Roog?
- Xar refu ke Kerreen ke a mbaagna o mbi'ood ndax ta lalit nitaal ne Roog too a boxotin o ndam ?
- **Roog kaa sak o kiin oxe no nitaal um, ta nand fo ten (No Mberaand naa 1:26-27).**
 - A juga xa saar xa lakas kam a Pind a tedu ke maa ndigil neene no kiin oxe sakteena no nitaal Roog, no nand um :
 - Lamatir ne no nitaal ne xottin na Aadama boo na Set fo no xa taan um (No Mberaand naa 5:1,3)
 - O saar ole na laytaa a qaw ale Roog (No Mberaand naa 9:6)
 - A cangin ale yoonna fo a adax kam o ngim onqe (1 Korint 11:7)
 - Gimu we kaa mbar o ŋjoow no ngiin nqas ne a yoonandin no nitaal Roog neene refna o Saasak oxe (Kolos 3:10)
 - Fa lay fa mbaax a sutoor no don in (Saak 3:9).
- **Ke xa delem oxene a tekitna “nitaal” “no nand ”.**
 - Xa delem Hebre kam safe le no Mberaand naa 1:26-27 ndefu “tselem” fa “demuth”.
 - Xa delem axe da nanditna ndefu “eikon” fa “homiosis”.
 - Jeg ee nguutatir magnu a ndeer xa delem a xeene . Tselem kaa tektaa nitaal nqas , nitaal na xenandeena. Demuth kaa yaac o nand fo ten ndaa o juga o nguutatir a ndeer den .
 - Keene koy , aa adax we a mbaagaan o andiloox a paax , “*fat I mbi o kiin oxe ta nand fa in too a refan a in.*”
- **Ke xalaat le a tekitna.**
 - O kiin oxe ta sakel nen mbindel lotu sik, a jeg njer fo yiif , too mbindel motu neene kaa sakel no nand Roog. Ref oxe sakteena no nand Roog kaa tekit ref mbindele na saqna o ŋjoow.
 - “Nitaal ne Roog kaa eet o tektaa , o mem ole in o ngid a waagerrna o ga: xa law axe in.
 - Kaa I sakel ndax I nand fa Roog too lalit oxe ta refna. Kaa i mbi'aa keene na nqalaat in , no yaaw ake in, na qalaat in , ne i maadooxtaa took lanq ke, o and ole, o waag ole fo ke refna no too waagee o xon.
 - Ne xa tebandoonng a saqtaa o nand ole no we ndimna a den , neene, wiin we fop a saqtu nitaal ne na Faap den fee refna na asamaan .
 - Nitaal ne Roog koy kaa jeg a seek a mayu . Deeti no ke layteena no paas ne na reefandiidaa .

Qedu fo qedeer ke

- Xan i lay mbamir Roog qedu fo qedeer kee i ñoownaa.
- I njegaa yiif no qedu fo qedeer ke bindeena na qeeñ in (Rom 2:14). Keene taxu boo i nguutatir fo lakas ke sakeena fop. O kiin a waaga o tan a nand fa Roog na pesooroŋ um a cofu. I mbaaga o and itam ee a pesooroŋ in aley gofatranda a in fa Roog.

Ke Jofna no ngim onqe

- I mbaaga o xalaat to and ke refnaa bo kili to i mbaaga o jeg nqiɓoor fa Roog.
- Kaa i sakel fo a qalaat no ke “fagkeerna bo faw kam a qeeñ in”. A yiif in a yegaa ee a juga ka fadafuleerna fo ka saxnaa boo faw.

Ke jofna no yiif

- I juga yiif la na taxa boo i liiɓa fo a nqalaat in to i mbaag o jang, to keene, sake lakas leng jegeeran.
- Ka i jiriñoor lak na andoona jegee sake leng na jeguuna.
- Ka i sakaa boo kili nee calel artist mayu pogreer ke a feeñliituuna, fo misic ne, fo arsitektir ne, fo no xa qos xa lakas xa mayu axa waagaandeenaa o lim.
- Ka i may kaa a yegaa no ceer in na andoona jegee sake leng lakas nana yegtaa neene tik no ceer um.

Ke jofna na nqiɓoor

- Ndax ɓaat no waag o xiɓoor fa Roog ole I jegnaa, i mbaaga o jeg kiɓoor pogreer a ndeer in fo wiin lakas we. Qiɓoor mayu pogreer keene na laltaa o nandel in fa Roog.
- Ndolnir o mat ka laltaa misaal ne Roog (Efees 5:22-33). A juga o saax ole goor we a laltitaa nital ne Roog, to rew we a laltitan no saax o lakas. Ndolnir ndeer o koor fo o tew neen wiin dik wa mbodnaa no calel pogreer ke den ka laltaa nital ne Roog no o saax o dakkandeer.
- Nen Roog, ka i jeg ngiɓoor a ndeer in fo ke yoqna na sake, i ndef weena saytooxano (Mberaand Naa 1:26, 28).

Ke Jofna no Njeer ne

- Nitaal ne Roog ka gen no o laaw ole in. Ndaa, ceer ke in ka laltaa nital ne Roog kam calel keeta jalaa.
- Roog a cooxa in a yiif fo itam xa ɓay axa na dimle’a a in ndax i sakaa to waag o motand calel ka laamtinaa o jeg yiif (Efees 2:10).
- I juga ci’it Roog ndax i mbaag o jeg to yar xa ɓiy a xana lamkaa nitaal nee Roog.
- A maak ale in no o nandel ole Kiristaa ka motandooxa kam o ñoow ole njeer ne in.

O jig ale i jegna nitaal nee Roog na in ka tax boo i far took fo o ndam fop ke Roog a sakna (A Kim a Tedu ke 8:5). Kee I yennaa yenno kam bakaad fop oo taxe, boo ndiiki nitaal Roog neene na in oxeu madaa o jeg o ndam too a waagnooraa in calel magnu.

Laamit ke

- Limi ne o waag yiif in a nandtina fo nital Roog ne.
- Deeti kiɓoor of ke mocnaa o magin (Ndonir ne, xa cay axe, maamal we, ngentandong ne, fo lakas.). Nam waago o ñoowit nital ne Roog neeta mocnaa o faaxit kam kiɓoor keene?
- Nam calel ke no xa ɓay axe wo waagtu o lalit nital ne Roog neeta mocnaa o faxit?

O mem ole no Kiin oxe

Yee Roog a sakna a Aadama, kaa xot'u o ut ole no lanq ke too a wuud teen wuud le no ŋoow ole ndax ta refat o kiin oxaa na ŋoowaa . Ndaa koy, a jeg'a ceego tik na sak ale , ke ta rimna refu o kiin o leng oxaa jegatna o ŋoow . **Ke waagna ga'el fo ke waagaandeena o ga mbokatooru ndax da ndefat tik leng kut kaa fokatoorna .**

Ke waagna o ga'el too a saktel o kiin oxe kaa ref a seek a mayu akaa ndefna no ten: fo'oy le, ngan ke, xa pamb axe, wil le , etc. Ndaa no ke waagaandeena o ga too ta ref no kiin oxe, a juga teen tig mayu itam: o laaw, yiif, xeeŋ, o bug, fo fop ke na xalaatnooraa , etc. Ndaa boo keene fop a fokatooreerna no kiin oxe, a seek a pogreer akeene mbaagkoogee o ŋaas . O ga ole Biibal fee a jegna no kiin oxe kaa feeŋlaa a seek a pogreer a mayu mbokatoorna a ndefat o kiin oxaa na ŋoowaa .

O kiin oxuu refna a anda yee i njega a seek no njer. O moy o jaak ole no wiin we (ta ref Kerceen ke fo we ndefeerna Kerceen) a ngima itam ee a njega a seek na den waagaandeena o ga – o “laaw ” ten xan a maad o ŋoowaa a cinj yee cer ke nqonkaa (kaa ref ne a seek ake no njer ne a nqaajoorna).Ndaa mene, fop mbogee o ga . A juga waa ngimna yee jolna “njer” ne fo o “laaw” ole , i njega itam a seek a tadvandeer refna “yiif” ten moyu o layteel yaa i layaa kaa jofna na Roog (kaa ref tig leng kut kaa fi'eena a qaa a tadvak).

A Seek a fak (2) - ga na seek ake no njer ne nqaajoorna

- Waag o andiran a seek ake na nga'eel fo ake mbaagaandeena o nga kaa ref tig cegu o njiriiŋ.
- “o laaw” fo “Yiif” kaa yooŋ o njiriiŋooreel kam xa saar xa mayu kam Biibal fee, (Yob 27:3; Saŋ12:27/Saŋ13:21; Lik 1:46-47; Hebre 12:23/Mbeeŋil 6:9, 20:4).
- Boo o kiin a xonna, a Pind ake kaa lay ee “o laaw ole” mbaat “Yiif le” kaa retaa (Lik 12:20/Saŋ 19:20/A pi ake 7:59).
- Kaa layel ee o kiin kaa ref xa “kiic fo o laaw” mbaat “njer fo yiif ” (Mace 10:28/1 Korint 5:5/Saak 2:26).
- O “laaw” ole mbaat “yiif” le a waaga o bakaad . We na njangaa na seek ake no cer ke kaa ngim ee yiif le moyu o ted o laaw ole , ndaa keene refee ke Biibal fe a layna (2 Korint 7:1)
- Fop ke o “laaw” ole a fi'aa, “yiif” le a waagaan o fi itam .
- Yeesu kaa ee “ njer ne” fo o “laaw” ole mbokatooru a ndef o kiin (Mace.10:28).

A seek a 3 – o ga na seek a tadvak ake

- Hebre 4:12 kaa jangnita ee o “laaw fo yiif” a mbaaga o nqaajel .
- 1 Tesalonik 5:23 kaa feeŋlaa o kiin oxe nen “yiif , o laaw fo njer.”
- “Yiif” le kaa andit a seek aleene no kiin oxe yaa i layaa kaa jofna na Roog (a seek yiif ale refna na in)too kaa suptooxaa(rimel o xas) ndaa o “laaw” ole refu ke na laytaa ngiin ne in (ke i yegaa).

A juga a seek a lakas akaa ndefna no kiin oxe mbaagaandeena o nga , too wiin we a andeerna kam “ngiin ne no kiin oxe” jeetaay .

- Xeeŋ – ten refu me o ŋoow ole a saxna (yii-yiif ke (Hebre 4:12), yeg-yeg ke (A Cangatin ale 6:5), o bug ole (4:29, Hebre 4:7, A Sutax ale 7:22-23) fo o ngim onqe (Rom 10:9-10).
- A qalaat ake – ke na layaa o kiin oxe taa kam um ee kaa war o fi ke ta gimna ee ten refu ke faaxna too waree o fi ke ta andna ee faaxee .
- Xalaat – kaa fokat o waag o andiloox itam yeg-yeg ke , waag o lay o ga of no ke na xewaa .
- O bug ole – o kiin a waaga o fi o bug um no ke faaxna mbaat ke faaxeerna (Rom 7:15-25; 1 Tim 6:9;Saak 4:4). O bug ole no kiin oxe a waaga o ref ke na laytaa na xoom um a reefandin na seek a lakas ake no ngiin ne too refkee no tig leng kut ke na waagnooran o ten.

A waaga a ref sax ee fa lay feene jeggee o njiriiŋ too o ga oluu refna na den kaa jangnita ndigil no ke o kiin o refna.

No kiin oxe kaa jeg ke ne ga'eel fo ke naangeerna o ga'eel . ke waagaandeena o ga na in kaa fokat mayu kaa nandna nen o laaw, yiif, xeeŋ , a qalaat fo ke o kiin oxe a bugna . No mbinj o lakas koy, keene i limna kaa ndef ke andoona yee a andee a paax ta ref (o laaw ole fo yiif le) ndaa no mbinj o lakas , kaa i laytaa (yiif le, xeeŋ le, fo qalaat ake).

Ne nitaal ne no kiin oxe a suuritna no suk lakas ke (ke waageena o ga fo ke waagaandeena o ga)

Yee Aadama a rimna a Set, a ref'ata faap no kiin oxe nandna fo ten , a saq nitaal um (No Mberaand naa 5:3). Ndaa Aadama koy kaa xat no nitaal ne Roog , xa taan um a inoor no notaal ne Aadama , ten feene , a maad'a o saqaa nitaal ne Roog cinj yee o kiin oxe a yenna kam bakaad fee (1 Korint 11:7).

Neene , nitaal ne no kiin oxe a suur boo no suk lakas ken a pexey ndimatir ne . O leng koy waagee o xaŋ keene , boo I laytaa no kaa jofna no ngiin ne no kiin oxe no ken a ga'eel . Cer ke in kaa inoor no we ndomna na in , fo no suk ke adooxna fop . **Ndaa nam a reftu no ke waagaandeena o ga (yiif/o laaw) nitaal ne no kiin oxe kaa suur no suk boo no suk ?**

A Pind a tedu ke layee a qoolu no keene . **A jega waa ngimna yee o laaw ole kaa inoor no njer ne a reefandel no rimel ole (o ga ole na cangin ale no ke xa biy axe a lamtaa no paap den (Traducianism view).**

- A Pind a tedu ke Hebre 7:10 kaa laytaa a pi a paax ale too a jof fi'aneene o ndebandoong onqe Lewi, rim'afulaandeena ; No Mberaand naa 2:1-3 kaa lay ee Roog kaa ŋootnoox noo ŋaal betuufikandeer ne yaam kaa yut'u calel ke no sake le. Jegate tig lakas kaa fi'eena , nen sakatin o laaw o xas, kaa laytel, too o perj 2:7 laytee sen maa wuud le no ŋoow ole a wuudeena a refangeerna na Aadama.
- No ke na ga'el : O kiin oxe kaa ga'eel nen mbokatoor ne no laaw ole fo njer ne ; ndaa koy, i mbaaga o nga ee njer ne fo yiif le kaa maakandoora .

O ga o lakas (o ga na sak ale): xan o dom ndax i mbatin seede ne na Pind a tedu ke ne Roog a sakitna o laaw oluu refna, ne ta fi'tuuna no sake le ten fop . Xa saar axe nandna nen ole i layitna took kaa nandit ee kaa xoolnaa ee Roog refu oxe sakna a yiif ake fox a laaw axe in.

- “Xa biy kaa ndef ci'it no Yaal oxe , o rim ole xatna no laaw ke a ref barke fa ngatu no ten .” (a Kim a tedu ke 127:3)
- “Wo saku ngiin es, moolaam no fud yaa es.” (a kim a tedu ke 139:13)
- “Roog fee sakna asamaan fo yaajel um ;a fiis lanq ke fo ke saxna teen fop , a coox xeet fee ngenna teen xaaf, a ci yiif we na ŋaayaa teen fop , kaa tee ... (Esayi 42:5)
- Sakari 12:1 “ke o Yaal oxe a layna took Isra'el . O Yaal oxe letinna a asamaan a fiis lanq ke , a ci o kiin oxe o ŋoow kaa tee... (Sakari 12:1)
- “Mee ndax, i njega paap kaa na yaaraa a in na adna feeke , too i niwa a den . Xar na taxkaa boo i nanankee a Faaf in fee refna na asamaan ndax i njeg o ŋoow ?” (Hebre 12:9)

Ndaa ne Roog a waagnoorna a in i mbaag o njiriiŋoor tig lakas(nen ke i lamitna no paap ke in) ndax i sakan o ndebandoong o laaw refee ke layteena kam a Pind a tedu ke . Ndaa koy, jegree o njiriiŋ sax i ndef meen no nqalaataa no keene .

Jeetaay leene no kaa jofna no lamatir ne no laaw ole kaa laamit o andiloox ne ngiin baabakaad ne Aadama fee xa taan um a lamna. Lam neene koy a jega no ndigil yaa Biibal fee a laya a qool qac no bakaad fee no kiin o leng fo bakaad (Aadama) fo bakaad fee no wiin we fop : “Bakaad fee a roka kam adna fee na pexey o kiin o leng kut , soo bakaad fee a bisiid fa nqon , too neene , bakaad fee a yena took o kiin o kiin yaam fop a mbakaada” (Rom 5:12). Qate ne Roog yenna took Aadama kaa dal itam took fop we ndefna xa taan Aadama yaam “ fop a mbakaada boo a ŋak o ndam onqe Roog” (Rom 3:23). A jega mayu kaa layeena no ne keene a xewitna too xan i nga'andoorin no lesong ne i njangkaa ta laytaa no kaa jofna no bakaad.

Ke Bakaad a Rimna fo a Muc ale no Nitaal ne Roog kam Adna fee

No toq oleene no jeetaay le in na laytaa o kiin oxe sakeena no nitaal Roog , i mbaaga o nga ke bakaad a rimna fo a muc ale no nitaal ne Roog kam adna fee . Ye i bakaad a rokna kam adna fee , nitaal ne Roog o kiin oxe a mbindit'eena mo'ee . Kaa nitaal ne a suptoox'u ndaa mooc'ee . Kaa ref'atu nitaal naa jegna mayna fo paaxeer bor ndaa xon'ee .

- Re adna fe yennaa kam bakaad, nitaal ne Roog yaqooxe fop. Ndaa, a juga ka suptooxna teen fo ka balig na teen. (Rom 1:21; O Baware xe 7:29). Keene ka tekkit ee wiin we ka nqotaa leek-leek o waag ole Roog a cooxnaa a den a mbi'aa teen paxeer so a mbañ fi teen ka na taxkaa boo ta nand fa Roog soo a boxotin o ndam.
- Lakas ka na laltaa ee nitaal ne Roog sutwee na in yaam Njom ne kam bakaad fe, refu nee a Pind a Tedu ke a jiriñoortan a ciinj Njom ne kam bakaad fe. (Charles Ryrie, Basic Theology)
 - A sak ale o kiin a sakteena na nitaal Roog taxu boo a nqaw a maak a waag o jeg (Mberaand Naa 9:6).
 - A addax ale o kiin a adwana adna fe ka waagoox yaam nitaal nee Roog no ten (I Korint 11:7).
 - Saak ka madfooxa o kiin o xeena salwaa o kend um yaam neeta refna oxe sakteena o nandel fa Roog (Saak 3:9).
 - Xa saar a xeene njegkoogee o njiiriñ a soþ'anga ee nitaal ne Roog na in ka fortotox yaa Njom naa.
- A muc ale ka fer o xembanatin to a daknaxin nitaal Roog ne. Ta ref ee ka i suptaxineel ndax i mbaag o nandaxin boo ta mot sik fo nitaal ne Roog yaa i maaka no ñoow kerceen in. (II Korint 3:18; Room 8:29; Kolos 3:10). Paul ka lay ee no keene ka i xottel ne no o ndam o nqeeke so cooxel o ndam o lakas.
- Yeesu a dakwiidanga, a takin ale nitaal ne Roog a dakneel gimu we xan a mot (I Korint 15:49). Xan i nand fo ten deng boo faw. Keene xan a tax boo in mbelakinoox.

Laamit ke

- Ndax Kerceen ke soom ndii wiin we fop saktee nitaal Roog ne?
- Nam calel Kerceen ke a pesoorod a paaxu le den a laltitaa nitaal Roog ne? Nam keene a dimle'tang no kee o yegaa na pesoorod of fo wee Ndefeerna Kerceen?
- Ndax foogaa ee o and ole jechoona no nitaal Roog ne a waaga o supit nee o rokoortaa fo o kiin oxe fogteeroona xeet, a pesoorod, diine, xaliis, mbaat jikko? Layi ke taxuuna.

A Taḅand ale no Lesong ne

Yaam ne i ndefnaa wiin, ka o sakel in a sadarnu so a faax boo! I ndefee tadang soom ka saqnaa ngan, ka xupnaa lakas ke. Ka i saktel naa andoona i jeggee o kend kam sake lee Roog fop. I njegaa o woob, so doxneel o waag o lalit nee Roog a nandna, refantin no nee i ñoowtaa mbeet oo mbeet. O nandel in fa Roog o leene waage o ñak no calel ke i mbi'aa fop yam o Ten. Yaasam i maak no yirmande fo no and o Yaal oxe Yeesu Kiristaa, boo xa ñoow in a lalit ee in ndefu xa teḅ'um xa koor fo xa tew!

Lesong 3: O Kiin III

Ndokandong ne

A ciinj ye Roog a saknaa o kiin, a lalta a paax ee wiin we ka sakel no “nitaal um/ o nandel um” to ka sakel neen o koor foo o tew (Meraand Naa 1:27). Keene laltu ee njektirand a jega a ndeer nitaal Roog ne refna no o koor oxe fo no tew oxe. Kam lesong neeke, xan i njoktoox nguutatir neene fo keeta tektina.

Ke a Kalas ale a simeena: NITAAL ROOG NE NA MARS FO VENUS

Nqajooryo podne o caajangin oxe a layna. A yoon alu refna a wara o ref goor bor mbaat rew bor. Na yoon ale fogoon, deeti ne nitaal Roog ne a feeñtaa no wiin we. A yoon ale goor we xan a lalit ne rew we a laltitaa nitaal Roog ne ne fogreerna fo goor we. A yoon ale rew we itam xan a lalit ne goor we a laltitaa nitaal Roog ne ne fogreerna fo rew we.

Mbeeñil ne na Pind ake: M b e r a a n d N a a 1:27


*“ROOG A SAKA O KIIN TA REF NITAAL UM, A NAND FO TEN. ROOG A SAKA O KOOR, A SAK O TEW.”
(MBERAAND NAA 1:27).”*

- Xar taxu Bibal fe a jektirandaa a ndeer o koor fo o tew kam a sak ale Roog a saknaa wiin we?
- Nam Mberaand Naa 2:18-25 a dimletaa ndax na tekkir ke taxna Roog a sak a Adama fo Awa – ‘o koor fo o tew’ – ta nand fo Ten/ a ndef misaal um?
- No saax olum ga’to ee ne Roog a saktina adna fe, too ta war o ñaacit neen, ka picteel xaye?

O Koor fo o Tew ka Mbod, a Nguutatir, so a Mbaag Ngiɓoor

O xos u Goor fo o Rew ka sakel, no saax o leng, ndaax goor we fo rew we, o kiin o kiin a waag o “fel” o kend um (Mberaand Naa 2:18). Keene ka laltaa nitaal Roog ne a neew-neew no xa saax a tadaq:

- No ke adooxnaa, ka sakel a mbod ngiin fo o magnel. Den dik fop ka saq nitaal Roog ne na den.
- Dikkandeer ke, jegree njektirand leng a ndeer ne nitaal Roog ne a reftinaa na den o koor fo o tew. Kon o ga’anga, ka fi’ we Roog ka coox o kiin o kiin na den ke refna calel um refantin na ta ref o koor mbaat o tew.
- Tadjandeer ke, **nqiboore mosu ne yoonna fa jam fo nannanir** ndeer o koor fo o tew kam ndolnir ne kaa laltaa a seek a lakas no nitaal ne Roog .



Ndiiki xan i deet no saax olu refna bo ta fag nitaal Roog ne refna no goor we fo no rew.

Roog ka sak goor we fo rew we ta mbod

O podel njiriñ a ndeer goor we fo rew we ka giynoox took a sak ale Roog a saknaa a den ta mbod a ndef nitaal um (Mberaand Naa 1:27; 5:1-2). O podel o leene ka laytel kam a Pind a Tedu ke fop.

- Xa Pedit axe 31:10, 28-30 ka layaa a paax njiriñ ne fo o magnel ole rew we a njegnaa.
- Yeesu a geenoox'a a paax rew we, too mayu no we Paul a iḃsiidnaa no nqim onqe a ndeefa rew (Lik 8:2-4; A Pi ake 16:14).
- A Saafe le na Pi' ake ka nqot fa lay fee o tuleer Yoel ndax a lalit ne Yiif Tedu le a ɓaxteena took den dik goor we fo rew we (A Pi' ake 2:17-18 ka xotin na Yoel 2:28-29).
- Piyeer ka sim goor we ta niw rew den (I Piyeer 3:7).
- Paul ka layaa fo doole ee ndeer goor we fo rew we, o leng waage o ret to yoone fo o lakas oxe (I Korint 11:11-12; Galati 3:28).

Calel ke goor we a mbaaga o ngutatir fo calel ke rew we. Ndaa, no njiriñ ne, no ngiin ne, fo no ngim onqe, den mbodu. To sax, me nguutatir neene a ne'eena kam Biblal ne, o podel ole refna ndeer goor we fo rew we sutwee no kiin oo kiin na den.

Laamit ke

- A soḃangaa ee naxiro a xoox of no ke o yegaa no xeeñ of, fooga ee ref o koor moyu ndii ref o tew?
- Ndax daayaa ne Roog a saktoonga o ref o koor mbaat o tew ndii ko bug o ref lakas ke fogreena fo ke Roog a fi'oonga?
- Xa foogo neene refu ne Roog a bugtina o ga'it keene?
- Ndax waagaa o lay fo ndigil ee gimaa ee we Roog a sakna too ta ngutatir fa wo, nuun mbodu mbaamir Roog?

Roog ka sak goor we fo rew we ta nguutatir no calel den

- Roog ka lay ee nguutatir no calel ne refna a ndeer goor we fo rew we ka nand fo nguutatir no calel ke ndefnaa a ndeer Roog, o Biy onqe fa Yiif Tedu le (I Korint 11:3; Sang 10:30; Lik 3:21-22). kee ta jegna o jeg calel pogreer a ndeer Roog xa Mem a Tadaq axe fop oo, den mbodu ngiin fo o magnel, to daduk weene a yoon a yoon a ñaku sik, too a ndef leng na Roog fa leng kut.
- Nee o koor fo o tew a sakteena na nitaal Roog neene a njegtu calel pogreer (I Korint 11:3). Kam ndolnir, Roog ka coox o koor oxe ta adoox, nee Roog Faap fe a adwantina Roog Xa Mem Xa Tadak Axe. Ne Roog Faap fe fo o Biy onqe a fogtinaa na Roog Xa Mem xa Tadak axe a njeg calel pogreer, neene deng o koor fo o tew a ndeftu leng no ngiin fo no o magnel, ndaa a njeg calel pogreer. Boo ta motandeenaa nee ta wartinaa, calel no kiin o kiin na den ka laltaa to a magnandaa o mbeq onqe, o yeg ole, nguutatir ne, fo a nqoolax ale refnaa na Roog Xa Mem Xa Tadaq Axe. Ka ref paax ɓor no weena ñoowan (Efees 5:22-23).
- Calel pogreer ke kam ndonir ne ka ngeenin'el yaaga njom ne kam bakaad fe jeg'afule to ka suur a ciinj njom neene, ndaa bakaad fe ka yaqaa a den o ndik leek-leek.
 - Me Adama a moofna, ta ref o kiin oxe adweena o sak, ka laytel kam Nqaarit Nqas ne (I Timote 2:13-15).
 - Awa ka sakel neen o tiidimle Adama ciinj a adoox a paaxu le ta jegnaa. (Mberaand Naa 2:18).
 - A salax ale supti calel ka o kiin o kiin na den koor/tew a doxin'eena na mberaand (Mberaand Naa 3:16). Roog simee a Adama ta adwanit a Awa fa doole. Ndaa ka layoogu keena merkaa o xewaa to ta ref ke bakaad fe a rimkaa.

- A bat ale ka sadakinaa ndigil ne o kiin oo kiin na den a sakteena, fo ndigil no calel pogreer ke den. Calel ke Yeesu mottandnaa took a kurwa le ka inoox ndax ta wat o ñoow no kimu xe fo ngiḃoor um kam ndolnir nee ten.
- Ke Nqaariit Nqas ne a jangnita na ndonir (Kolos 3:18-19; Efees 5:22-33; Tite 2:5; I Piyeer 3:1-7) ka inoox ndax dakin calel kee goor we nee ta refit'inaa na ḁaap nee Roog na ndolnir ne no mberaand naa. ḁaap ne kaa yoon fo o mbeq , o neewandax, nannan, njeg a nqoolax ndeer nuun, njabanir , fo niwir . A foga no ḁaap neene o kiin oo kiin na den a xooloox o kend um, a wektoox no kend um, a ci' o kend um cir, to a sargalin. Ndonir ka dalnel ndax o kor fo o teem o kiin oo kiin a waag o wektooxand o kend um boo ta fag too jegkee teen cedaanaq. Kam ngiḃoor neene, ngelfa nee no kor oxe fo nanan neeno tew oxe ka ñooweel o kiin oo kiin a ci' o kend um cir, a sedin, too a xoolooxin.

Laamit ke

- Nam keene a riñtang na ngiḃoor a ndeer basil of? Ndax a jega ne waagoona o laltit a Roog a paax na pesooroḁ ale jechoona fo wiin mbin of ?
- Na a cangin ale Bibal fe, nam calel pogreer ke ndefna kam ndolnir a nandtiyo fo a pesooroḁ ake na ñooweel kam aada/cosaan ke mbidoonga?
- Ndax a yooḃa leek-leek o jeg a pesooroḁ a qas ake nguutatirnaa fo ake ngelnaa kam aada ne widoongaa?

Roog ka sak o koor fo o tew ndax ta waag o njeg ngiḃoor

Roog ka tee, “Faaxe ndax o koor a yoq sang’um” (Mberaand Naa 2:18). Roog ka xeboo’u a waadanin “o tiidimle oxe muyna no ten.” Na fa lay feene, i njangtaa teen ee o kiin ka sakel ndax ta waag o jeg ngiḃoor. Yaa i mbaagnaa o njeg kiḃoor mayu pogreer, leng na kiḃoor keene waagee o jeg o njiriñ mbaat ta waag o matrاند wiin boo a nand fo ngiḃoor ne refna ndolnir.

Na ndonir, o kor kaa laltaa nitaal Roog ne na doole ngoogoor um fo no calel um nen yaal mbin ne, a sargala so a geenooxaa o teem. O tew ka laltaa nitaal Roog ne a refantin na ngiin ndeerew um fo no calel um, a sargalaa so a motaanda o kor um.

- Ngiḃoor mosu nee den kam ndolnir kaa ref kunpa naana laltaa ngiḃoor ne refna a ndeer Kiristaa fo Jangu ne (Efees 5:32).
- A soḃangaa sax ee a liiḃ ale taxee ta jagood, a jega ka refnaa na yoon a leene, na nqoolax a leene, fo no matir ne kam Roog Xa Mem Xa Tadaq too a waaga o ga’el kam ndonir njofu.
- Roog a barke’angaa ngiḃoor neene, fa ndimane fo a yar ale no xa biy axe kaa ref o waaḃ o lakas ndax o kiin a waag o lalit nitaal Roog ne to a boxotin o ndam.

Laamit ke

- Ndax o kiin a waaga o ñoow o ñoow Kerceen to xiḃoore fo Kerceen lakas ke? Layi ke adoona teen.
- Ndax o ñoow Kerceen a waaga o suur to ngiḃoor fo gimeer we jegee? Layi ke andoona teen .

A Taḃand ale no Lesong ne

O kiin ka sakel na nitaal Roog. O kiin oxu refna nandee fo kend um. Keene ka tekitee Roog ka sak o koor fo tew ndax ta lalit nitaal Roog ne no xa qos axa fogreerna. Yaam o koor fo o tew mbogee nee ta nqalaatta to neeta laltitaa nitaal Roog a guutatir itam, ka a kiin oo kiin na den a sakanel o kend um fo ndax ta ndolnir. Kam ngiḃoor neene a faaxa ndax i mbetandoox ee, kee calel den a guutatirna guutatir oo, o koor fo o tew naa a mbodu o magnel no ngiin den, no njiriñ den, fo no ke o ngim den a tekinaa. Kaa i sakel ndax o kiin oo kiin a waag o mottand o kend um. A faaxa itam ndax i mbetandoox ee no keene, fo na kiḃoor ke, keena wideel refu nand fa Roog to boxotin o ndam.

Lesong 4: Bakaad I

Ndokandong ne

Bakaad ka ref riq-riq. Bakaad ka dāayoorand o kiin fa Roog. Bakaad taxu bo Yeesu a xon na kurwa le. Bakaad ka gaañaa a in to bala i jomkand o and, a sopa ta yaq boo yut. Kam a cangin a leeke xam tekit ke refna bakaad so jokit itam meeta inoorna fo neeta lamteel. Xan i njang itam ne bakaad ne xaye a nandna kam o ñoow in fo a qaw a palakaand ale Roog a xawkaa bakaad fe.

Mbeeñil ne na Pind ake: Rom 3:23; Galati 5:19–21

“FOP A MBAKAADA BOO A ÑAK O NDAM ONQE ROOG.” (ROM 3:23)

“KE CER KE YAAWAA KOY A ANDE A PAAX. A PI AKE DEN NDEFU: CEEQ FO QOOLATARU FO CAASAAY FO A CUUR PANGOOL FO PAN. KAA TAXAA ITAM WIIN WE A MBAAGRATAR, A NQASRAA, A MAT A QEEÑ, A MBUUXANRAA, A NGENDANDOORAA, A NQAAJOORAA, SOO A MBI’AA FO MBOKATAX FO SAYOOXU. A NAANGA O SIISRAA ITAM, TOO A YERAA A YER A MAAMU, A ÑAAMA KUPU, A MBI’AA LAKAS KAA NANDNA FO KEENE. MEXE LAYAA A NUUN NE LAYIT’ANUUMA A NUUN YAAGA YEE: WE NA MBI’AA TIG NANDU NEENE LAMKEE MAAT NE ROOG.”
(GALATI 5:19-21)

- Xare fa lay feeke a tektu: “kaa i nak o ndam onqe Roog”?
- O niirangaa Galati 5:19-21, ndax a juga no leng ka limeena meene ta jof no calel keeno ceer ke naa andeeroona? A layaa ee, “...fo ndik kee nandnaa fo keene” ndax keene ka tekit ee a juga calel no njeer lakas itam?
Bindi keene a paax :
“Ceeq ” (porneia) me o ðelem “pornogarafi” a inoorna .
“Naq ne /pan ne” (pharmakeia) me o ðelem farmasi a inoorna. O kiin oxen a jangaa kaa waaguuna o waynoor , teex , pannax , etc.
“we na mbi’aa tig nandu neene ” kaa ndoknaa bakaad fee no ñoow den , ta adin a den, da ngen teen, too a mbañ o ndicoox bakaad keene .

CALEL KEE NO KALAS NE: A PI A LIIBE

O caajangin oxe xanta cooxong a liiB alaa o jeemkaa fo o xawkaa? Xare keene a jangnang no ke jofna no ne bakaad a nandnaa?

A Tekit Bakaad ale

A juga boo kaa fadna xa ðelem xa jegu solo axaa na laytaa na bakaad kam Nqaariit Nqiid ne fo xa ðelem xarboxay fo fik axaa na laytaa na bakaad kam Nqaariit Nqas ne .

Xa ðelem axe kam Nqaariit Nqiid ne na laytaa na bakaad

1. **Chata (boo a caf 522) – ke ta eetna o tektaa “ñak o ñaas ole ”. Ñak o ñaas ole kaa tekit itam jeg xa ñaas xa lakas . Keene refree na fa lay soom ndaa na pi , jiriiñoor pangool no pan ne ndefna tig saytaane . (A Sutax ale 20:20; Haahate we 20:16; Xa Pefit axe 8:36,19:2)**
2. Ra (boo a caf 444) – ke ta eetna o tektaa refu yaq fo moocan , a waaga o layel itam, “ soxod”.
3. Pasha kaa eet o tektaa “siknoor ”, a moy o tektiteel “ tooñ, nañ o nannan ” (1 Maad we 12:19; 2 Maad we 3:5; Xa Pefit axe 28:21; Esayi 1:2)
4. Awon – kaa tektaa ke xoolafarna , ke bakaadna (1 Sami’el 3:13) fo bakaad fee na sookaa (A Lim ale 15:30-31)

5. Shagag – kaa tektaa oxe widaa, a mo nen mbaal mbaat oxe mayna bo mbiiñ (Esayi 28:7)
6. Asham – kaa yooḅ o jiriiñjooreel yaa kaa jotna na fiif ne o Yaal oxe a xetteel mbaat no Mbind Roog ne a layteel.
7. Rasha – kaa tektaa oxe soxodna , a pañ oxe no cofu xe.
8. Taah – oxen a widaa, a mo. Bakaad kaa ref ke xebooxeena.

No taḅ-raḅ fat i muuk a cangin ale no Nqaariit Nqiid ne no kaa jofna no bakaad (Charles Ryrie, Basic Theology)

- Bakaad a waaga o ref na xa qos xa mayu , yaam ne xa delem xa mayu a njiriiñjooreel, o ii-isra'el a waaga o and bakaad nandu ne ta fi'na .
- Bakaad refu fop ke faaxeerna, too ten refu sax ñak o nannan a Roog .
- Neene boog, ñak o nannan kaa ref na qalaat a paax fo a paaxeer , mene kaa ref fi paaxeer no sagu of, refee ñak o fi paax no kaa refeerna no sagu of .
- Bakaad refee soom ñak o ñaas ole ndaa kaa ref itam saq o ñaas o faaxeer ole .


Xa delem axe no Nqaariit Nqas ne na laytaa no bakaad

- A. Kakos – kaa tekit paaxeer, paaxeer ken a ga'eel mbaat no yiif.
- B. Poneris – kaa tekit o paaxeer ke . Kaa laytaa na Saytaane fo no cini ke .
- C. Asebes – kaa tekit qoolafaru.
- D. Enochos – kaa tekit tooñ, oxe warna o xon yaam tooñ um .
- E. **Hamartia (227) – refu o delem ole moyna may ke ta layteena no kaa jofna no bakaad . Kaa tekit ñak o ñaas ole. (A pi ake 2:38; Rom 5:12; 6:1; 1 Korint 15:3; 2 Korint 5:21; Saak 1:15; 1 Piyeer2:22; 1 Sañ 1:7; 2:2; Mbeeñil 1:5)**
- F. Adika – kaa tekit a ñaaynoox a paaxeer .
- G. Anomos – kaa tektiteel qoolafaru ke , njofafar ne .
- H. Parabates – kaa tekit oxe fañna o nannan
- I. Agnoein – oxe refna no ñak o and, too a fadooxaa lakas kaa refeerna Roog fa ndigil fee.
- J. Planao – kaa tekit oxe mo'na, mo'noor lakas we .
- K. Paraptoma – kaa tekit yen no bakaad
- L. Hypocrisis – oxa na foogaa paaxeer

Fat i mbof ke a cangin ale no Nqaariit Nqas ne a layna no bakaad (Charles Ryrie, Basic Theology)

- A jega ke layeena no ne bakaad fee a fi'teena.
- Neene boog, bakaad kaa ref fañ o nannan a Roog fo ñak o reef kebil ke ten.
- Bakaad a waaga o ref no xa qos xa mayu .
- Wareef ne no kiin oxe kaa laytel no qoolu too a andel a paax.

O felem ole tekitteena “bakaad” kam Nqaariit Nqas ne ka ref o felem Gerek “*hamartia*.” *Ka tekit no yooḅu “ḁal a piis ale.” A takit a leene ka feeñ na tekit a leeke reefna. “Bakaad ka ref ḁal o fi’ kee fodiirna fo o bug ole Roog na pi’, na pesoorod, mbaat jiko” (Grudem, Systematic Theology1994).*



Bakaad a waaga o tektel neen ka ḁalatiirna fo jiko nee Roog (Rom 3:23) me andoona o ndam onqe Roog ka ref keena laltaa nee ta nandnaa (jiko um). Bakaad, na kiiy ale saax, ka ref ke dumuyooxna a Roog (A Kim a Tedu ke 51:4; Rom 8:7).

O nqalaat “ñak o reef” mbaat “dal a piis ale” ka ga’el kam Rom 3:23, “Yaam fop ka mbaakaad boo a ñak o ndam onqe Roog.” Keene ka safkinel na tekit a lakas nen 1 Sanj 3:4: “Bakaad refu dap kebil ke.” Keene ndigil a refkaa, boo ya bakaad a maadka o tektaa a dap paax ke Roog a daapna. A soBangaax sax njeer ne in fop refee bakaad 100% , bakaad kaa duq cir ke in fop fo a pi’ akee in, fo a pesoorod in, fo ngiin nee in sax (A Sutax ale 20:17; Mace 5:22-28; Rom 5:8).

Ba nu mbaas a tekit bakaad a keene na njeemeel a wañ na nuun o ponel ole bakaad a bonnaa mbamir Roog fa tedu. Habakkuk ka layin a qool xac ee: “A kid of ka nqoolood lool boo mbaagee nga’aa paaxeer; to waagiyo gen no deetaa njofadar ne (Hab 1:13). Bakaad ka waag o yaq boo ten taxu fa nqon no Biy onqe Roog soom waag no dax (Sanj 1:29).

Laamit ke

- Bakaad mayu podnum waagu o tax boo o kiin a ñak o ndam onqe Roog?
- I ngesangaa bakaad, ndax i mbaagata daawaxin o ndam onqe Roog? Nam a refit kaa?
- Xar taxu bakaad a xooyeel “dap?”

Me Bakaad a Inoorna

Bakaad ka roqtiid adna fe a reef na bakaad fe Adama fo Awa kam a dñing ale Eden (Mberaand naa 3:1-19; Rom 5:12-21).

Xar reefu ne Aadama a nand’ina fo nqiboor ne ten fa Roog yaaga bakaadafulee ?

- A jeg’a pexey o waag nadiloox ken a xewaa too a jeg yiif (No Mberaand naa 2:19-23). Roog a ci’aan ta waag o jiriiñoor o don um ndax Roog fo o kiin oxe a mbaag o layaa, a njeetaayaa .
- Jeg’afulee bakaad . A waag’a o felakinoox no ngiboor ne ta jeg’ina fa Roog. Aadama kaa ref’u bindel naa o tedel o a laytandeenaa (guutatirna fo ole no saasak oxe). O kiin oxe a waag’a o xalaatan a xoox um na ci lake ta warna o fi.
- Kaa war’u o topatoox too a jeg sañ-sañ took sake le fop .

Deetlax ne: (No Mberaand naa 2:15-17) Aadama fa Awa a and’a bark eke da njeg’ina no waag o gen kam a fñing ale Eden fo itam ke da bar’eerna o mbi : a jeg’a ndaxar leng kut naa da mbar’eerna o ñjaam. Je’ee deetlax lakas kam a fñing ale . Mene , o kiin oxe kaa war’u jil o nannan a Roog mbaat ta ñjak o nannanin. Roog kaa lalit ee kaa bug’u o kiin oxe a heboox too a jil o nannanin.

Mbog ne : (No Mberaand naa 3:1-5). Saytaane kaa jil’u a feeñ no mem muumen – fangool (Boo xayee, saytaane bugee o ga’tel mbaat ta andtel ne ta nandna no ndigil.). Ke ta eet’ina o fi refu fi boo o kiin oxe a jeg a yiif a fak no paaxel ole Roog (“Ndax Roog layu ee nu mbaree o ñjaam ...” – 3:1). Cinj kaaga, a xaña o cofel ole Roog – nee a juga mayu kaa bakaad fee a rimna (“nu nqonkee ” – 3:4). Mbog ne kaa ref’u itam ne Saytaane a fi’na o maaB a liibin fo ke refna ndigil ne .

Bakaad fee : (No Mberaand naa 3:6) Ye Awa a nangiloona fangool fee too a jegat a yiif a fak no ke Roog a lay’ina a den , a ga’a o rim ole, a yaa’aan to cinj kaaga, a ñjaam’aan . Neene, a ci’a a Saytaane o gom no mbog neene too a coox’a o rim ole a Aadama . O ten itam a nangilooxa, a jeg’a a yiif a fak, a ga’a, a yaaw’a too naaga ta ñjaam o rim ole . Bakaad fee mos’ee o jeg yaam kaa mbakaad’u too njeg’ee ngiin baabakaad. A mbakaad’a yaam a cil ale da mbi’ina. Ke yoqna na adna fee fop a njegata bakaad no ngiin fo na cil .

- Adama fo Awa ka bug’o o and ke refna ndigil. Roog ka mafoox’u a den baa ñaam no rim ole ndaxar naaga. O Yiy oxe ka wedi’u a Roog xindiñ. Kaa tan a diinat a tekin ale Roog a rekinnaa a den jofnaa no ke nannafaar den a rimkaa.
- Adama fo Awa ka diinat’u itam ke refna ndigil. Roog ka coox’u a den daap njofu no ñoow o nanan. Ka lay’o ee daap no ñoow o jofu a waaga ñak o reefel.

- Adama fo Awa kaa diinat’u itam, “wee ta ndeefnayoo”. Roog ka lay’u a den ee den ndefu sake lee Ten, waa o ñoow den a giynooxna took Roog too ta mbarin o nannan no fop. Ndaa ta mbañ a mbi neene, kaa mbug’o o nand fa roog ke den xooxood den.

“Bakaad fee kaa bisaa a nuun maa jolna me nu mbugna too taxaa nu ndabid kupu ke nu mbug’ina o ndabid .”

Laamit ke

- Nam refu ne mbokatax ne nuun a foogna yee neene bakaad fee a roktu kam adna fee?
- Nam xa saar axene a safakintaa a cangin a eetand ake na laytaa na bakaad fo na mbog ne saytaane ? (No Mberaand naa 3:1-7, Mace 4:1-11, fa 1 Sanj 2:15-17)
- Awa a cooxa o rim ole a Adama, to o ten o mat a ñaama. Nam njom nee Adama neene kam bakaad fee a nand’u?

A Qaw ake no bakaad fe

(From *Basic Theology*, Charles Ryrie)

Took xeet fe (Mberaand Naa 3:7-13)

- Yeg ee o tooñ oo, ten taxu boo gaci fee a war o singel (3:7).
- Yaqoor a jeg boo ta tax ta dasaa mbaamir Roog (3:8).
Keene ka mbisiid xeet fee fop dik keene: fa ngon no njeer fo no laaw. Fa ngon kaa mos a refaa nqaajoor; ndak fo ndak Adama fo Awa kaa nqaajoor’el too neene ta yegaa nee ceer den a duguñootayo, boo yaa ta nqonnaa. (Rom 5:12).

Took Fangool fe (Mberaand Naa 3:14)

- Fangool fe ka xatetel a Bood. No ndigil tadang ke no maat ne fop kaa daaw na Njom ne ndax o kiin a maada o adwanaa a den. (Rom 8:20).

Took o Yiy oxe (Mberaand Naa 3:15)

- O taan no Yiy oxe fo o taan no tew oxe – mbañir xan a jegat a ndeer o taan no Yiy oxe (fop we mo’naa, Sanj 8:44; Efees 2:2) fo xa taan no tew oxe (basil nee Roog fop).
- O Yiy oxe daawnel fa ngon; Kiristaa a jeg ngaañ – Kiristaa took a kurwa le (o Taan oxe) xan a fad o Yiy oxe no xoox boo ta xon (Hebre 2:14; I Sanj 3:8) ndaa xan o Yiy oxe xijil a Kiristaa o ndik (“a gaañin no faad um”).

Took Awa fo Rew we (Mberaand naa 3:16)

- Fa Ndim – Xan Roog a baat o domel no rew we yaa fa ndimnaa den. Basil/a muc no tew xan a yoontataa o domel.
- Xan a qalaat um a ref no kor um – Geeta domeena o dom oo, xan a jeg a yaaw a maak ndax yoon fo o kor um to a bug o jeg xa biy. Keene ka ga’teel itam ee xan ta bugkaa o adwanaa o kor um ne Roog a daapteeruuna.
- Ndeepatir na a adax – ref oxe na dagooxaa , a dimle’a lakas too fañ o ref oxe na doxaa (I Korint 11:3; 14:34; Efes 5:24-25; Tite 2:3-5; I Piyeer 3:1, 5-6).

Took Adama fo goor we (Mberaand Naa 3:17-24)

- A salax took lanq ke – Lanq ke kaa salooxel yaam bakaad fee Adama boo ta tax ta jeg kiy, keene a moy o domin calel um boo yaa ta sutkaa teen xa tim. Boo njom nee a jomkaa o jeg, calel Adama ke ka may’o fo daay, fo njiriñ, ndaa ndiiki xan ta dom to a ref a nqoBong yaa Kiristaa a yooneerna ten.
- Fa Nqon – Adama fo wiin Baal xan a nomtoox no ut ole no lanq ke na fa ngon.
- A Taq ale – Adama kaa rax’el na ding alaa, kaa reed a pi ala xewit’ina no saax fo no yiif, a laltaa ngiBoor degu.

Lesong 5: Bakaad II

Bakaad fee yenna took no kiin oxe, bakaad fee lameena , bakaad fee o kiin oxe a fi'oodna


Xar refu ke bakaad fee Aadama fa Awa a rimna Kam xa ŋoow axe in xaye ?

Bakaad fee Aadama yenna took wiin we


Kaa yen took in tektu ee kaa i mbog teen mbaat i mbokatel teen mbaat coox o kiin tig .

- **Kaa i mbogat no we na feeteel nen waa tooŋna mbaamir Roog yaam bakaad fee Aadama.**
- Apootar Pool kaa xoolnaa ke bakaad fee a rimna na xa delem axene : “Yaam bakaad fee a roka kam adna fee na pexey o kiin o leng kut too bakaad a rima fa nqon , too neene bakaad fee a yena took wiin we fop yaam fop a mbakaada(Rom 5:12).
- **Pool kaa lay kam Rom 5:12-21, ee na pexey bakaad fee Aadama, fop a mbaadtu .** Wiin we fop, kaa feeteel no nitaal ne Aadama (nen oxe eetna o teewan a in mbaamir Roog) na waxtu fee no mbog ne kam a ting alaa Edeen . Aadama fee refna oxe teewanna a bakaada , too neene Roog kaa feetaa a in nen baabakaad yaam Aadama (keene refu ke i layaa yee kaa i mbogat no bakaad ne , ke o kiin o fi'anna o kiin o lakas).
- **Xeet ken a adna fee fop kaa inoor na Aadama too a mbogata na bakaad fee ten .** Kaa mbogat in fop no bakaad fee Aadama fo itam no njofatar ne ten. In fop ndefu baabakaad too soxla pexey ndax i muc no ke bakaad a rimaa .
- **No xa felem xa qoolu, “ fop a mbakaada” tektee bakaad no kiin o kiin mbaat ngiin mbaabakaad ne in .** Kaa tekit ee fop a mbakaada na bes fee Aadama a bakaadna (cf. Rom 5:18). Keene taxu i ndefat baabakaad . I fop ndefatu jofafaru nen a Aadama.
- **Ke bakaadna neene i lamna a rimaa refu fa nqon .** Roog kaa lay'u yee xan wiin we fop a nqon a cinj bakaad fee Aadama (“fa nqon fee kaa xay took wiin we fop yaam fop a mbakaada ” – Rom 5:12). Ngiiin baabakaad ne in koy, naaangee o rimaa fa nqon no cer soom ndaa fa nqon fee no laaw ole , xaajoor fa Roog (Efes 2:3).
- **Ndabid ne no bakaad fee i lamna na Aadama refu o cofel ole i ndaawitna na Kiristaa .** Na waxtu fee o kiin oxe a gimna , kaa daawata o cofel ole KIRSTAA, kaa feetateel nen o cofu . Yaam ne fop a inoor na Aadama, neene itam gimu we fop a ndefata na Kiristaa , too refna na Kiristaa kaa tekit ee a ndaawata no cofel ole ten .
- **Refee we na baalaa a cangin ale na Biibal fee fop njabu yee fop kaa feeteel nen baabakaad yaam bakaad fee Aadama .** Ndaa den fop a njaba yee kaa i ndaaw a pesoorof a paabakaad, ngiin ne i lamitna na Aadama .
- **Bakaad fa ndimoor kaa inoor na Aadama too a xay no sur ke fop .** Yaam ne inooruma na Aadama, kaam fogat na bakaad fee ten , refu no we ndimaxama mbaat no daan es.

**Bakaad fa ndimoor
kaa i lamit ngiin**



**Bakaad fee yenna took in
bakaad feene kaa daawtel
na Aadama too oxuu refna a**



Lam Bakaad

Nam bakaad fe Adama fo Awa a yaqqantu a in xaye?

- **Bakaad nu refna ka yaqanaa lakas we.** Bakaad ne Awa a yaqan'a a Adama, too bakaad ne Adama a yaqanaa xeet fe fop. O leng bakaad ke sang'um too a fañ o yaqan o kiin o lakas.
- **Bakaad, a xesangaa boo a fi'el, waagataan o forit.** A baasan a waaga o jeg too njofoor a dakwo jeg, ndaa ke xew'ina waagataan o supit mbaat ta forteel. Ndax Adama fo Awa a mbaag'ataa o nomtoox na ding ala? Ndax Esau a waag'a o xottatin o eet o rimel um ole ta jikoofnaa a Yacoob? Ndax Musaa a waag'ata rok na Lanq kaa regit'eenayo? Ndax maat ne a waag'ata o nomtel o Maad Saul a ciinj reeta nanafar'inaa a Samuel fa Roog?
- **Kaa i lamit ngiin mbaabakaad neene no daan we xottitna na Aadama fa Awa** (No Mberaand naa 4:1; A Kim a tedu ke 51:5; Rom 5:12). Keene kaa tekit ee oxuu rimeena kam adna fee , o paapakaad a refu. Jeg ee o leng oxe rimeena a ref o kiin o cofu , jeg ee itam waa mbaaxna soo lakas we a ndef waa mbaaxeerna. Fop ndefu baabakaad mbaamir Roog.
- **Ndabid fee no bakaaf neene i lamna refu fa nqon ne no laaw ole .** Kaa ref xaajoor fo o ñjoow ole Roog na jamaane fee i ndefna (Efes 2:1-3). Boo a suptax a jegeerna koy no ñjoow oleene, ke na doonooxkaa teen refu fa nqon fee faafkeerna mbaat hate fa fikandeer fee (Mbeeñil ne 20:11-15).
- **The Bible clearly states that all aspects of man's being are corrupt.** By nature, we are xa biy no fuux le – (Efes 2:3). Na pi in , fuux le Roog yena took in . O kiin oxuu refna a juga bakaad . kaa fuul na qalaat um
(2 korint 4:4). Yiif um a yaqoox(Rom 1:28). Ke na taxaa ta jeg njektiran kaa niibaanadat, a xaajoox fo o ñjoow ole Roog (Efes 4:18).Yeg-yeg ke ten kaa yaqooxat too a qoolafar (Rom 1:21, 24, 26; Titus 1:15). Bakaad fee kaa damin nen o pad boo na qalaat um fo o bug um too neene, ta refat o pañ Roog (Rom 6:20; 7:20).
- A sofangaa boo Roog a jeBaa o kiin, oxeene a ñak sik (Mace 5:48), too bakaad a duqaa xa tuq axe refnaa na in fop, kon no ngiin ne in, kaa i ñak kaa warnaa o tax boo Roog a deet a in nen wiin tedu. (Rom 7:18; Yereremi 17:9). Keenee xooyeel “woloox bo xool.” O delem “ bakaad ” kaa tekit “yen no feelax”. O kiin oxe waage o fel a Roog. Kaa ref no fop yaam kaa duq fop kerefna no kiin , a xay took wiin we fop.
- **Bakaak a duqangaa o saax olu refnaa no ñoow in, fop na in faxafaree.** Nitaal ne Roog oxey no laaw in boo fa ndiik. Kaa bakaad fee a suptin soom (Efes 4:18). O kiin a waaga o fi' paax too Kiristaa damteeren. Ndaa, a pi' a paax mbaagee o forit bakaad, mbaat ta ci'ong boo o yeloor yirmaande mbaamir Roog fa tedu fe.
- **Ndabin ne no bakaad fee lameena kaa ref a bateer ale yoonna fo qate fee no ngiin baabakaad ne ndax o kimu xe a jeg a xoox um too genkee no bakaadaa (Rom 6:18; 8:1; Gal 5:24).** Fop ke fogna no ngiin ngiin qiid ne kaa rengadoorel fa Kiristaa. Fa nqon fee Kiristaa watu a in no mbaad ne no bakaad fee i lamna. Kaa i mbatel itam no sañ-sañ bakaad kam xa ñjoow in ñjaal oo ñjaal na pexey teewaay fee no Yiif Tedu le genna na in.
- Deeti no ke xoolneena no paas neene na laytaa na qalaat a pogreer no ne bakaad fee Aadama a xaytina boo a duq xa taan um fop . xa ka'oof xa pogreer axeene kaa njeg mayu ke da njagna ndax i andiloox a paax ne wiin we a mbaagna o mucit no ñjoow o baabakaad ole da njegatna.

O ga	A tekit ale no ga ole
O ga ole Pelaguis	Kaa ref o ga ole feeŋna no xa kiid teemeed nahik a cinj Yeesu too o aa-adax adax oxaa genna tougal o ne'ee Pelagius. A jaŋa ke layeena ee Roog saku o laaw oluu refna. Yaam Roog waagee o sak paaxeer ke , o laaw oluu refna kaa war o xool. Ndaa , Pelaguis kaa lay ee bakaad fee Aadama fo ke ta rimna kaa duq a Aadama soom ndaa duqee xa taan um . Boo i mbakaadaa, refree yee kaa i njeg ngiin mbaabakaad ndaa kaa tekit ee kaa i ndeefanaa lalgan mbaaxeer ne Aadama . I njega a qoox in na qalaat in too i mbaaga o mbi tig paax itam. Ndaa keene yoonee fo ke layeena kam a Pind a Tedu ke . A ga oleene kaa siwandaa a pi ake no kiin oxe fo ke da mbaagna o ci'it o kiin oxe a muc ale. O ga ole Pelaguis kaa feetel nen olaa yooneerna fo fa lay fee Roog, ndaa a bisiida a suptax a mayu na cangin ale no cangi Protestant ke .
O ga ole Augustin	Kaa ge'noox na cangin ale Augustin, ref'ina o aa-adax no Hippo kam Afrik fee no bemb Roog a janoon no xa kiid teemeed a cinj fa nqon fee Yeesu . Kaa safakin'u a cangin a tiindigil ale (na bakaad fa ndimoor fee) fee na layna, ye Aadama a bakaadna , ngiin ne ten a yaqoox'ata . Neene ta jegtu ngiin no paabakaad ne ta saq'atna (No Mberaand naa 1:26-27; 5:2; Rom 7:1, A kim a tedu ke 51:5). Ref'ee o paabakaad soom ndaa yaam bakaad fee ta fi'ina ndaa ne bakaad ne a fogna no giin ne ten (Yob 14:4; 15:14; A Kim a tedu ke 58:3; Efes 2:3).
O ga ole no maat ke mbokatooxna	A jega waa na layaa yee kaa i ndef baabakaad, refree yaam ne i lamtuuna na Aadama, ndaa yaam ne ta ref'ina o taan no wiin we fop. Keene taxu boo ke ta fi'na a refan wiin we na adna fee fop. Neene, in fop kaa i ndefat baabakaad yaam ne ta bakaadna (Rom 5:12). O ga oleene kaa nandit ole waageena o jaŋ , o ga ole na feeŋlaa ne Roog a dalnitna saŋ-saŋ ndigil ne, na layaa yee yaam ne i inoorna in fop na Adama (nen waa mbaqaqoorna no ten) ye ta bakaadna, in itam i mbakaada fo ten.
O ga ole Arminius	Kaa ref o ga ole Arminius (1560-1609) guutatir'ee dara koy fo a cangin ale no cangu ke sogooageena o ndalin, we ndeefanuuna ne ten a nga'toogu itam . O ga oleene kaa jangnita a Adama kaa sakel, a jeg yiif xoolu , refree o tedel, yaam bakaad kaa ref o bug ale fadneena na pi , neene i lamtu njofatar ne Aadama ndaa refree tooŋ ne no ngiin no paabakaad , kaa lay ee fop faaxafaru no ten kiin oxe, o kiin oxe a waag'a o fi paax too a fadin o bug ole Roog kam o ŋoow um, neene a refkooga o kiin o cofu , too o bug ole no kiin refu ke bisiidna a suptax aleene. O ga ole Saŋ Wesley naa xooyeel itam ole Arminius , kaa saq a cangin a len, g kut ale no kaa jofna na bakaad fee Aadama fo ke o kiin oxe a waagna o fadin , ndaa a jega maa da mbogeerna o ga.
O ga ole no kiin oxe fogna no mbakatoor	A jega waa na layaa ye kaa jeg a yoon a safku a ndeer o kiin oxuu refna fo mbokatax ne ta fogna. Neene, ye Akaan a bakaadna , xeet fee fop a nqawee na ŋox alaa too basil um sax a daawa a qaw ale dal'ina took um (Yosuwe 7; 1 Sami'el 24:21). No neene, yee Aadama a bakaadna, wiin we na adna fee fop mbakaadu fo ten .
O ga ole Sosinus	Mbokatax ne, genoox'ina a cinj Lelio Sosinus (1525-62) fo o ndokoor um Faustus (1539-1604), ref'u ke eetna o geenin a dat a qas no ngim kerceen na xooyeel (Unitarianisme). Na cangin um, njabee yee Yeesu Roog a refu , njabee yee Roog daapu mayu no ke na xewaa, bakaad fa ndimoor , o ŋoow o faaxeer ole, fo ndabid ne na qaw ale .
A Cangin a qas ale na Biibal fee (Neo Orthodoxie)	A cangin a qas aleene koy, kaa lay no qoolu no kaa jofna na bakaad fee . Kaa tekit nen oxena widaa ke ta bugna soom , ndaa Roog jegree a ssek a leng no ŋoow um. Ndaa koy, a batandax ale no bakaad ne Aadama refna no Mberaand naa 3 deetaan nen kaa xewna no miŋu kaa ndaa nen ke xewna no miŋeer, no jamaane fa leng . Aadama ref'ee o kiin no ndigil , oxe mosna o ŋoow took lanq ke , ndaa Aadama kaa feeŋlaa o kiin no ne ta maaktaa fop . A betandax ale no njomb ne Aadama kam bakaad, refu a betandax ale in itam. Fo o ga o nandu neene na betandax ale na Biibal fee, bakaad fee waagkoogee o duq xa taan axe Aadama .

Bakaad ne no kiin oxe

- Xalaat luu refna, mbaat a pesoorof, a pi mbaat ñak o fi , yooneerna fo kebil ke Roog no kaa jofna no tedel .
 - Saak 3:2 “A caf a mayu, kaa i njuumaa in fop ”
 - Rom 3:23 “Fop a mbakaada boo a ñak o ndam onqe Roog ”
- Ndabid ne .
 - Pakaad ke no xe gimeerna kaa yaqanaan ta nqiboor fa Roog boo yaa ta muckaa .
 - O kiin o kimu xe kaa ñakaa o ñaay ole no nqiboor ne fa Roog boo ta fañna o fes pakaad um a cinj , a fañ o waajil pakaad um (1 Sañ 1:9).
- Pakaad ke no kiin oxe kaa ndef ke ta lamna fo ke ta fi’aneena . Pakaad ke no kiin oxe kaa ndef ke mbaageena o nga “ ke nadeena” ne i laytaa pakaad ke lameena fo pakaad fa ndimoor ke . Pakaad ke no kiin oxe refu ye ta adna yee kaa jeg jafe jafe fo bakaad .

Ndabid bakaad

Jafe jafe ne	Ne ta xayitna	Ke ta rimna	Ndabid ne	O tontax ale
Bakaad fa ndimoor (Rom 5:12)	Kaa inoor na Aadama a fadiid boo na mi	Fa nqon no njer	Kaa i deetel nen cofu yaam o cofel ole Kiristaa (2 Korint 5:21).	Kaa xewaa yaa i nqolooxna a Kiristaa (Rom 3:21-22).
Bakaad fee lameena (Efes 2:3)	No suk boo no suk	Fa nqon no laaw ole	Kiristaa a xona yaam baabakaad we (Rom 5:8). Yiif Tedu le kaa ci’aa a in o “ñjoow o xas”(Tiit 3:5).	Xoloox sadax fee Kiristaa a fi’na yaam pakaad ke (Sañ 3:16; 1 Timothy 1:15-16 etc.).
Pakaad ke o kiin oxe a fi’oodna (Rom 3:23)	Kaa laytaa no bakaad fa ndimoor fo bakaad fee lameena	Ñak nqiboor ne fa Roog (o kimeer oxe) Fo ñak nqiboor ne fa Roog (o kimu xe)	O kimeer oxe: fa nqon fee Kirstaa (Efes 2:13) O kimu xe: fa nqon fee Kiristaa (1 Sañ 1:7)	O kimeer oxe: xoloox a Kiristaa (took fop) O kimu xe : weejil pakaad of (1 Sañ 1:9)


Bakaad fee kam o ñoow ole no Kerceen fee

- **Wiin we fop kaata mbagaad mbaamir Roog too a ñak a muc yaa ndia Beernaa a Kiristaa.**

A cangin a leene ka ga'el kam Bibal fee Fop. David a lay'aan (A Kim a Tedu ke 14:3; 143:2). Paul a lay'aan (Rom 1:18-3:23). Saak a lay'aan. (Saak 3:2). Sanj, o talube le fi'inaa wee Yeesu ka fex'in a paax, a lay'aan, itam (I Sanj 1:8-10)! Xa caay axe sax kaa tooñ kaa xotina no fud ya' den yaam bakaad fe Adama (A Kim a Tedu ke 51:5).

- **Kerceen ke a njega boo fa ndiik ngiin ne no bakaad fee** (Rom 7:14-25; no moy o jaak ole 7:17,20,21,23). Kimu we kaa njeg ngiin baabakaad fo ngin ngas ne (Rom 8:10; Efes 4:22-24). Ngiin ngiid ne kaa maadaa meen (xonee) kam o ñoow um . Keene taxu i maad o mbi'aa pakaad no cer in (1 Sanj 1:8).

- **Adna fe kaa gingraa fo kimu xe boo kili** (o ñoow adna fe njom bakaad fe a yaqna too o Yiy oxe a adwanin, o ten o xeena madooxaa took maat ne na eel ake.), **njeer ne** (njeer bakaad in naa refna a yaaw fo a yuxum a paxeer), **so o Yiy oxe** (O Poofog oxe, Faap no xa maaБ, o caajamb no gimu we, fo njogoy naana wuuqa a waafaa oxaa ta ñaamna).



- **Bakaad leeng-leeng no wiin kaa Yeesu a feeñilnaa kam a cangin um**

- Ñak fa yar (Mark 11:15-18) (e.g., we na suptaa xaaliis)
- Yememar (Mace 23:1-36) (e.g., Farisiya we)
- A Yaaw (Lik 12:15)
- O MaaБ (Mace 12:22-27)
- Dapaa a dat (Mace 15:3-6)
- A magnandax (Mace 20:20-28; Lik 14:7-11) (e.g., ya Sanj /Saak , kiin oxe yodeena no calel um)
- Ref bil maamaaf (Mace 18:6) (kaa bakaadnooraa lakas we)
- Ñak o gore (Mace 8:19-22) (kaa eet o xalaat a xoox um a sog o reefaa a Yeesu)
- Ñoowa cednooxu (Mace 5:27-32) (e.g., a yaaw, ceeq)
- Ñak xa tim (Sanj 15:16) (ke xewna : ñak o sax na Kiristaa)
- Fuux (Mace 5:22) (ne i njiriiñooraa felem in fo a pesoorof ake in)
- Bakaad no fa lay (Mace 5:33-37; 12:36) (e.g., ke i ndaabooxna , ke i layna yee xan i mbi'in)
- A ka'atnax (Mace 6:1-18) (e.g., a qef, qoor fo ci'taa ndax wiin we a nga'ong)
- O ñak o ngim (Mace 6:25) (e.g., jeg a qalaat a mayu no ken a xewkaa o feet)
- Ñak o geenoox a keenax kilifa (Mace 24:14-30; Lik 19:11-27)
- Ñak o xedaa (Lik 18:1-8)

- **Roog a saka pexey ndax xañit bakaad naa xa ñoow in.**

- Fa lay fe Roog (A Kim a Tedu ke 119:9, 11, Sanj 17:17).
- A qeefax ale Kiristaa (Hebre 7:25, Lik 22:32).
- Yiff Tedu le na genaa (Galati 5:16-24; I Korint 2:10; Hebre 5:14; Rom 8:34; Efees 6:18).
- Yirmande fee Roog (Tiit 2:11-14)

- **Na gimu we, bakaad ka rimaa paxeer kam xa ñoow in fo na ngiḃoor in fa Roog.**

Xa tim bakaad xa mayu no ñoow in, kam kiḃoor ke a ndeer wiin we, fo na ngiḃoor in fa Roog ka may to mbogreer (Sanj 19:11; Mace 5:19; 23:23). Misaal, bakaad no xeeñ ta ref neen a seek a waaga o tax boo o kiin a tooñ na pi' (Mace 5:28); Ndaa koy, paxeer kaa o kiin a fi'naa na yiif, a yuxum um a mbaaga a ñak o fod naagaa.

- Ne i ndefnaa gimu, a tefale in mbaamir Roog suptooxe. Ka "jofandel" refantin no ke Yeesu a motandna (Rom 8:1; I Korint 15:3). I njegee a qaw a leng (Rom 8:1). Yeesu a rabda bakaad ke in fop(I Korint 15:3) fo ke mbaafnayo, ke ndiiki, fo bakaad keena garaa.
- Ndaa, nqiḃoor ne in fa Roog ka jaxaasoox to o ñoow in a yaqoox. Kaa i yegee i ñaka o ḃaay (Sanj 15:11; Galate 5:22), a ñaayod in a faaq (I Sanj 1:6; 2:10), fo i ñak o xooloox a qed (I Sanj 3:19-22).
- Roog Faap fe ka maadaa o fexa in neen xa ḃeem to a yara a in ndax ta tedland a in (Hebre 12:6; Mbeeñil Naa 3:19).
- A mbanu bakaad a jegnaa, Roog o ḃiy onqe ḃooxotaan cir (Hebre 10:29). Ka xon ndax ta bogda in na bakaad. Maadaa ñoow na bakaad ka laltaa ñak o ci' cir oxe cooxitna ci'it neene.
- Roog Yiif Tedu le ka jeg o fomel yaa i mbakaadna (Efees 4:30). Maad o ñoowaa kam bakaad kaa taxa boo calel ke no Yiif le no ñoow in nqaalkatee a in (I Tesalonik 5:19).

- **No gimu we, a qaw ale Roog na bakaad a dala took Yeesu (II Korint 5:21; Rom 8:1). Ka i yareel (Hebre 12:6), ndaa i daanaan alamaan yaam bakaad ke in.**

Xa qos bakaad axe no ñoow in kaa gaañaa a in itam. Kee i moynaa o nqayloox, ndax yen no bakaad, neenee I moyka o ndef fad no bakaad (Rom 6:16). I mbakaadanga, ka i ñakaa suunit in na refna na asamaan (I Korint 3:12-13). O na jalana a Yeesu kam bakaad mbaat ke jofnoxona no calel keene a ref paxeer, calel keene kaa ndef "a teex, daaf, ngooñ" too i ndaawit kee teen a suunit no ngel naa Kiristaa (II Korint 5:10).

- **No gimu wee na maadaa o fi'aa bakaad, a qaw ale moynaa o fom a waaga o reef teen:**

- A yar no o tedel (Hebre 12:5-11. Jir a waaga o ref a pay ale (I Korint 11:30).
- Sutel tafil jangu ne, a waaga o ref kaa xelna o jeg (Mace 18:17; 1 Korint 5).
- Fa nqon njeer a waaga o ref a yarof Roog a sobangaa bakaad ne ka dakwa a dakwatina (I Korint 11:30; I Sanj 5:16).

- ***A pay ale no bakaad fe no kimu xe a waaga o fertel o delem o leng: weejil (I Saŋ 1:9).***
 - “Weejil pakaad ” kaa tekit “jaḅ ”ke Roog a layna no bakaad feene . Boo i maadn o ŋoowaa na qalaat a paaxeer, mbaat a pi a paaxeer , fo nuu ta waagna o ref, i mbeejlee pakaad in .
 - Weejil pakaad of no ndigil kaa bisiidaa a suptax ndigil kam xa ŋoow in . Ndaa boo i ndakooxna o mbakaadaa, pexey leng kut ne kjegna refu i mbeejil a den.
 - Weejil pakaad kaa ref ndigil safku no ŋoow Kerceen . Weejil pakaad kaa taxaa Kiristaa a bogid a in no pakaad in (1 Saŋ 1:7).
 - No me i ndefna no Yaal oxe, i ndaawa a baasan ale no bakaad ke fop, ndaa kaa i lamnaa too ŋoowaa a baasan aleene yaa a beejlaa pakaad ke .
 - Neene , o daay ole refna no nqiboow ne fa Roog kaa dalnatineel . Cinj kaaga, Yiif Tedu kaa waaga o “mayfand a in” too a supit a in (Efes5:18; Galat 5:22,23; Rom 8:13)
- ***Na gimu we, a qaw ale Roog na bakaad fe ka fof nqaajoor fa Roog boo kili fo o fomel kam o piñ onqaa na xooyeel a mbeel fifel (Mbeeñil Naa 20:10-15).***
 - Roog Faap in mayna fo yirmaande ka yooḅ o jeg o muñ na bakaad ke in, to dalin ke took in a qaw a fomu.
 - Ndaa i mbaree o mbeecit ee mbakaad paaxeer soom a rimaa , ta ref kam mbaat tafil ,boo ta jegeerna a cangin alaa cooxteena sax oo .
 - Soo, no uum xaaxate le Kiristaa, a pi ake in fop xan Roog a baal a den. (II Korinth 5:10).

Laamit ke

- Ndax kaa nu mboog ee Kerceene kaa ŋak o ga no ke bakaad fee fee a waagna o rim ? layi xalaat of .
- Xar refu ke o ga o raḅu no bakaad ne fo o and o neewu no tedel ole Roog a mbaagu o bisiid kam xa ŋoow in ŋaal-oo ŋaal ?
- Xar refu ke o and ole no ke Biibal fee a jangnitaa no bakaad fo ke ta rimaa , a dimle’taa o kiin oxe ta waag o pokoox a muc ale, a niw too a jaḅ calel ke o Yaal oxe Yeesu Kiristaa a fadinna na pexey a kurwaa le ?

A Taḅand ale no lesong ne

Bakaad ka ref a ndeer ee ndeer na betandax no ŋoow ole no wiin we. Kaa feroot na mberandong naa. Ka tektel ñak o ndam onqe Roog yaa faapoona a fad ale ten. Kaa i dawneel o ten reefantin na Adama. Ino fop kaa i mbar’o sankoox boo kili a reefange a Yeesu Kiristaa fee xonnaa yaam bakaad ndax ta sak xeet fa nqas na wateena. Na muukandong na, bakaad nu refna xan a xate’el too we xate den a yenkaa took Kiristaa xan a muc.

Lesong 6: A muc ale I (sadox ne na muc ale)

Ndokandong ne

A cangin ale na muc ale refu xeeñ na cangin ale na Biibal fee. **No xeeñ le na cangin ale, a jega o kiin oxe fo calel ke Yeesu Kiristaa a fadinna** . A Pind a tedu ke kaa lay no ndigil ee Yeesu refu oxe sinjna too a safakinaa o ngim in ” (Hebre 12:2). Kaa lay itam ee we na mbeejlaa a Kiristaa na fa Nqon um, ne ta uupteena, a qontax um , ndefu we njegna a muc ale (Rom 10:9-10; A pi ake 16:31). Jolna Kiristaa fo calel ke ten, jегee a muc o mbinj o lakas (A pi ake 4:12).

Jega a cangin a mayu na cangin ale na Biibal fee no ke jofna na muc ale . A cangin akeene kaa ndef nen tig mayu kaa mbokatooena, too yirmande fa magnu fee Roog a ref no saax o leng ole, o kiin oxe jegna a xoox um a waag o fi a jil ale feluuna, a ref no saax o lakas ole , too xa ka xa pogreer xa mayu a ndef a ndeer ale. Cangu pogreer mayu a njega a cangin fo xa ka xa mayu no xa kiid 500 axe mbaafna. I njegee o daaw ndax i ndenan a cangin akeene fo ke refna o ga no oluu refna na den, Ne i mbi’tan na cangin GNT ke in fop, ke i mbugna refu i andnoor wiin we a cangin ake Biibal fee a cooxitna , too da safik too a pokoox calel ke Yeesu Kiristaa no kaa jofna na sadox fee ta fi’na yaam a baasan ale no pakaad ke .

Kam a lesong fik ken a ngaraa, xan i nga a cangin ale na laytaa no sadox ne no pakaad ke fo calel ke taxna boo a muc ale a fadnoox . Yaa fo yaaga boo fa ndiik , a cangin alene kaa xooyeel *ordo salutis*, mbaat a fat ale na muc ale. Kaa jeemaa o feeñlit ne “ i mbaaguuna o andit” “refee ne da ndeepatirtina”, keene refu ceego ke mbareena o mbadin ndax o kiin oxe a waag o daaw a muc ale. Mayu no “calel” keene kaa njegaa na jamaane fee i ndefna too a ndef kaa i andeerna **“no ne** a muc ale a daawtee**l”** Many of these ”. Ke hupna o njiriiñ refu **“ xar taxu** i soxla a muc ale”fo **“xar** na xewaa yaa o kiin a jegna a muc ale ” too ta sob i safik no ngiin fo calel ke Yeesu Kiristaa .

Fa nqon fe Yeesu took a kurwa le a refa pexey magnu ndax a ñisiid a in a muc ale. A mbaagaa o ga’el no xa saax a mayu. Kam a cang a leeke xan i giynoox na a nqadax suu’nit ale Kiristaa na bakaad fe. A suu’nit ale a waagee o tektit nen “cacel ke Kiristaa a motandnaa no ñoow um fo na fa nqon um ndax ta waag o mucil a in” (Grudem, Systematic Theology 1994).

Yaa jangu fee a sinjeena boo xaye, wiin we no aada ke fop a yoonaa too a njab calel ke Yeesu a fi’na took a kurwaa le .No samabandaal, Kerceen fop a njaba yee :

- Kaa i ndaaw a muc ale na pexey fa nqon fee Kiristaa.
- Fa nqon fee Kiristaa kaa ref’u sadox fa ndigil .
- Sadox fee cooxteena yaam pakaad ken a adna fee .
- Ke ta rimna : O ñjoow o fagkeer ole , jeg jam fa Roog too daaw a baasan pakaad .

“Dikandeer ke, jangu sinj’eena fi’ee o xet ndax ta dalin a cangin aleene yaam ke a kurwaa le a tekitna , kaa and’el a paax . Jегee a yiif a fak , we na njagnitaa a Biibal kaa nduq xa toq xa mayu ndax da layit ke a kurwaa le a tekitna , too a laya a qoolu ee katil magnu ne Kirstaa fee na muclaa kaa ref na fa nqon um , Sadox ne hupna sadox lakas ke fop yaam a baasan ale no pakaad ke na adna fee .” (Donald Macleod, Kiristaa fee Rengeena: Andiloox Sadox ne na baasan ale no pakaad ke)

Mbeeñil nee na Pind ake: I Sa 2:2

“TEN FA XOOX UM KAA REF SADAX FAA NA NUFAA A QAW ALE ROOG YAAM PAKAAD IN. REFEE KOY SAX EE YAAM PAKAAD IN SOOM, NDAA YAAM PAKAAD KE NA ADNA FEE FOP.”

- Xar o delem suu’nit a tektu?
- Yeesu a refangaa sadax na suu’nit na bakaad kaa in, xar fa nqon a daawri fo bakaad ke in?
- An Yeesu a boxotannu sadax suu’nit?

Wetandooxi tigil ke layeena na cangin ale na laytaa bakaad :

- Oxuu refna kam adna fee kaa tooñ a Roog .
 - No kaa jofna no bakaad fee Aadama (Rom 5:12)
 - Kaa gec’noox no ngiin mbaabakaad ne in (Efes 2:3)
 - In fop na mbakaadaa yaam ngiin baabakaad ne refna na in (Rom 3:9-23)
- Bakaad kaa ref jafe jafe fee na adna fee , neene, adna fee a soxla’a o mucel na qaw ale no bakaad fee .

Ke Rimna fo ke Taxnaa a Suu’nit

Xar taxu Roog a luliid o beem ta xonnan a in? Xeya kee moynaa o feeñ no ke rimna a suu’nit refu o mbeq o magnu onqe Roog a jegna no sake lee ten (Sa 3:16). O mbeq um, a deetangaa, waagaan o ñoow yaa ta sambirna fo o cofel um (Rom 3:25). O cofel ole Roog xañtun ta maadaa xiḃoor fa in nee ta bugtina. Too iit waag’ee o ñak o lijit bakaad yaam o cofel um ole. Alamaan na wareena o rabid. Sadax suu’nit fe Yeesu (sadox naana dalnaa fuux le Roog) ka lalta o cofel ole fo o mbeq onqe Roog.

Nee a dad a daaptina suu’nit na sofeena

A cangin a leeke ka layaa ee Kiristaa ka xon took a kurwa le neen suu’nit na sofeena yaam bakaad ke in. Roog ka dalin took Kiristaa tooñ kee bakaad ke in, to o ten, na ḃak in, a xota a qaaw ale i yeloornaa. Keene kaa reef a qaw a mottu sik ale no bakaad ke in, ale daxandoorna fuux le fo o cofel ole Roog, o fi’angaan ta waag o waasan baabakaad we to wañkee tik no o magnel no cofel um. (Sa 3:16; Efes 2:4-5; Hebre 12:2)

A tekit aleene na cangin ale kaa inoor no safe le Charles Ryricea bindna, a Cangin ndigil ale .

A qaw ale : Kaa laytaa ngiin yaqooxu ne no kiin oxe na Aadama , no ten kaa i ndef yooraa xate fee Roog fo a qaw ale no bakaad fee.

- O delem o leng oleene kaa fof xe hupna o njiriiñ na betandax ale na Biibal fee : yaam ne ta refna xoox le no nqiboore ne fo o taan no wiin we fop, Aadama kaa fañ’u o nannan a Roog , too neene bakaad um a refata ngiin baabakaad ne i ndaawna , ke i ndimteena, fo ke i njilna .
- Wiin we na adna fee fop kaa ndef na Aadama , too neene itam a ndeftu no sañ-sañ, katil ne fo a qaw ale no bakaad – kaa ndef fa nqon fee no laaw ole fo fa nqon fee no cer ke (Rom 3:23; 6:23, Efes 2:1-4).
- Ke keene a rimna refu yee , kaa i nqaajoor fa nqiboore ne fa a mem a tadak ake Roog fee sakna a in ndax i andin too mbexin itam .
- Kaa i ndef yooraa nqate fee ten , too yaam ne ta refna , a ted too a jof, kaa xuunaa a in kam fuux magnu le ten yaam pakaad in.

Sadax ne na ronandaa : kaa laytaa no calel ke no Yaal in Yeesu Kiristaa ten fee coono'na yaam in took a kurwaa le.

- Keene kaa laytaa a betandax ale na Biibal ale na Roog fee na mem a tadak ake, ten fee mayna yirmande , jeg'ina daap ndax ta mucil xeet um, yaam bug'ee da yoq kam bakaad fee , fo hate fee Roog .
- Roog kaa wat a in na pexey njofoor ne na mem a tadak ake fo itam na pexey sadax ne ta fi'na yaam in .
- Ne ta refna xoox le no no nqiboore ne, Kiristaa kaa refan a in no ñoow um fo na fa nqon um nen oxe hupna Aadama , ten fee jabna nannan a Faap fee no kuu refna fo na pexey doole fee no Yiif Tedu le.
- Kiristaa kaa xon me i mbar'ina o nqon , a fadin fop ke Roog a bugna ndax i njofandel no ten, too a rabad o lad in yee ta roxondooxna tooñ kefo a qaw ale war'ina o dal took in .
- Ke i ndaawna yaam calel ke Kiristaa a fi'anna a in refu , na pexey o ngim in fo nqiboore in na Kiristaa , Roog Faap kaa deetaa a in nen waa mbaasaneena pakaad den fop , too mbatel no katil ne no bakaad fee fo no maat ne saytaane , ten fee geeninna fa nqon fo nqate took in (2 Korint 5:21; 1 Piyeer 3:18; Gal 3:13; Heb 9:28; Rom 8:32)

Lay ee a kurwaa le refu sadax ne na ronandaa kaa ref itam xayin yegil mbaax ne no yirmande fee Roog ! Ke hupna o njiriiñ no lesorj keene refu i yod a Yeesu Kiristaa fee o Yaal in , o muumucil in yaam calel ke ta fadinna yaam in fop .

Nee a Suu'nit ale a Nandnaa

A suu'nit ale waag'ee o jeg Kiristaa jab'angee

Yeesu kaa jab'u fop. A ceɓ a leene bisin boo na fa nqon, ta reef no ñoow o nanan o mottu sik, boo na dat ale na kurwa le fop (Filip 2:5-8). Keene taxu boo ta waag o waasaan bakaad ke in too a feet a in nen jofu na muc ale.

A suu'nit ale waag'ee o jeg Kiristaa a coono'angee

- Coono no ñoow. Yeesu ka coono, coono pogreer mayu kam o ñoow um took lanq ke:
 - Mace 4:1-11 (mbog ne)
 - Hebre 5:8 (coono)
 - Sanj 11:35 (Domatax, o ñak)
 - Hebre 12:3-4 (coxod ne)
 - Mace 26:38 (o domel)
 - Doonteel we na nqodaa lakas we , we keseena, o domel , ndefu ke pakaad fee a rimna kam adna fee .
- Coono na fa nqon. Coono ne moynaa o magin no coono kee Yeesu refu took a kurwa le. Leeng-leeng no coono ke...
 - Coono nee na taaj ale (Mace 27:32-56).
 - Coono na kadoox ale no bakaad ke (Isayi 53:6, 12; Sanj 1:29 fo mayu lakas).
 - Coono no waasel condong (Mace 26:56; Habakuk 1:13).
 - Coono no faamir fo fuux le Roog (Rom 3:25-26; I Sanj 2:2; 4:10).

Suu'nit nee Yeesu Kiristaa a daawa soxla yiif kee moy'naa o magin

Neene , fa ngon fee Kirstaa waagaan o xooland na delem a leng leng soom, yaam kaa woor ee ke ta tektaa kaa war yoonandel fo a cangin a cegu o njiriiñ a mayu . A juga boo kaa fadna a cangin a naqak a nandu neene akaa njegna o njiriiñ: Fa ngon fee Kiristaa kaa rabdaa pakaad ke , a bat ale no xe xiiboorna fa bakaad, o kiin oxe jofoorandeenaa fa Roog , fo ke i njegna kam nqiiboora ne fa Roog . Fat i mbetandoox keene fop.

- **Ndabid ne na ronandaa pakaad ke “YEESU A XONA YAAM MI ”**

Kirstaa kaa coono nen sadax fee na ronandaa a in , taxna boo i mbaag o mbaasnoox pakaad in. Kiristaa kaa xon nen sadax ndax ta rabin a qaw ale no bakaad ne war'ina o dal took in . (1 Piyeer 3:18; Hebre 3:18; Mark 10:45)

- Kaa damteel neen o paabakaa yaam mi (II Korint 5:21).
- Kaa gadoox bakaad kee in took ceer um took a kurwa le (I Piyeer 2:24).
- Kaa cooxno jaf leng kut yaam bakaad ke no wiin lakas we (Hebre 9:28).
- Kaa torooxandel yaam bakaad ke no lakas we (Esayi 53:4-6).
- Kaa salooxel yaam me (Galati 3:13)

- **A bat ale no xe xiiboorna fo bakaad “FOP A RAFDEE ” “JEGAT A XOOX OF ”**

A bat kaa tekit oxe wekceena / jegat a xoox yaam ndabid ne fi'eena . Kaa fi'anel we ngimna , ndafid ne refu fo'oy le no Yaal oxe Yeesu fa xoox um . (Rom 5:9-10; Kolos 1:13-14; I Piyeer 1:18-19; 2 Piyeer 2:1)

- Wiin we kaa mbatel no tig: the “me na jikoortel mbaat mbaaf ne no bakaad fee.
- Wiin we kaa mbatel no tig : ndafid ne no njigan ne, fo'oy le Kiristaa .
- Wiin we kaa mbatel no tig : me o kiin oxe a watteena ;too neene kaa nqooyel ndax da njalan o Yaal oxe , ten fee watna a den .

- **A bat ale no ke jofna na adna fee “KAA I NJABEL ”**

Njofoor kaa tekit a supit no nqiiboora ne , inoor no coxod jegat jam, ndeer wiin fik we . Wiin we a mbaaga o njofoorandel a ndeer den (Mace 5:24, 1 Korint 7:11), too wiin we a njofoorandee fa Roog (Rom 5:1-11; 2 Korint 5:18-21; Kolos 1:20).

O njiriiñ onqe no njofoorantin ne –XAR TAXU ?

Yaam bakaad fee, Roog fa o kiin oxe njofooratee too nqiiboora ne den a yaqooxa (Rom 5:10).

Ke taxna boo i soxla o njofoorantin fa Roog refu ñak o nanoor ne jegna ndeer Roog fo adna fee mayna fa bakaad .

ke taxna njofooratin ne a jeg – NAM A JEGTU ?

Njofooratin ne kaa inoor kaa inoor na fa ngon fee no Yaal oxe Yeesu (Rom 5:10). Roog kaa fi'in bakaad yaam in ndax i ndaaw o cofel ole Roog na Kiristaa. Ke Roog a fi'na no njofoorantin ne kaa ref yaam anda fee .

Yaam fa ngon fee Kiristaa, ke ref'ina ndeer adna fee fa Roog a suptooxa .

Wiin we mbaag'ee o muc.

Ndaa keene soom waagee o mucil o kiin o leng , yaam calel ke no njofooratin ne kaa mbar o gec'noox no waare fee no yegil mbaax ne . Boo o kiin a gimna , neene kaa daawaa njofooratin ne Roog a cooxitna na pexey fa ngon fee Kiristaa . (2 Korint 5:18-21).Njofooratin ne no kiin oxen a pexey o ngim onqe na

Kirstaa kaa dalnatinaa ngiḃoor ne fa Roog too a supit ke o kiin oxe a ref'ina , oxe jeg'eerna a muc ale, a daawata a muc ale . Yaam naaga pakaad um a mbaasantee, neene Roog a rafditu fop took a kurwaa le.

Ne njofooratin ne a fi'teena – AN FI'UN ?

Roog kaa jofooratin fo kiin oxe , too na pexey o ngim na Kiristaa , o kiin oxe a jofooratina fa Roog .

- **Sadax ne na ronandaa kam ngiḃoor ne fa Roog “ROOG A GA'A YEE FOP A FAAXA”**

Keene kaa tekit ṽuf fuux le na pexey sadax .No ke jofna na cangin ale na muc ale , sadax ne na ronandaa kaa tekit ṽuf fuux le Roog na pexey sadax ne Kiristaa .

ke taxna sadax ne na ronandaa a soxla'el: Fuux le Roog

A Pind a tedu ke kaa laytaa na qaw ale Roog (fuux le) na bakaad ne no kiin oxe (Sanj 3:36;

Rom 1:18; Efes 2:3; 1 Tesalonik 2:16; Mbeeṽil 6:16). ṽuf fuux le Roog koy refee a tabdinax ndaa kaa fi'el yaam o cofel ole too ndax ta jeg , kaa laamit sadax ne no Mbeeqe Roog .

Sadax ne na ṽufaa fuux le Roog: Sadax fee Kiristaa

Apootar Pool kaa lokrand sadax ne na ṽufaa fuux le Roog fo fa ngon fee Kiristaa kam Rom 3:25. O saar ole kam 1 Sanj 2:2 fa 4:10 , kaa laytaa den fop ne Kiristaa fa xoox um a refitna sadax ne na ṽufaa fuux le Roog .

A refangaa yaam fa ngon fee Kiristaa Roog a ga'a yee fop a faaxa, neene xar refu ke onkiin oxe a waagna o fi ndax ta fel a Roog . O tontax ole refu DARA !

Roog fa xoox um refu oxe fi'na fop . O paabakaad oxe a waaga too a soxla'a soom o daaw cit ne no cofel ole Roog a cooxtaa na yirmande na pexey o ngim onqe .Na pexey fa ngon fee Kiristaa, hate njofu fee Roog kaa ṽufel boo na moos boo moos . Keene refu nduleer ne i mbarna o yegin adna fee sanjkooxna: Jab too gim no Muumucil oxe , ten fee na pexey fa qnon um , a ṽufa fuux le Roog. (Charles Ryrie, Basic Theology)

O Magnel a Suu'nit

Ndax Kiristaa kaa xonnan wiin we fop ndii yaam we Roog a jilna na muc ale soom?

A cang a nqoolu na Pind a tedu ke kaa njagnaa a in ee Kiristaa kaa fex too a xon yaam adna fee fop. Sadax fee Kiristaa yaam pakaad ke kaa felin ta fi'anin adna kuluxum (sadox faa njegee ngakan), ndaa we njabna soom yirmande fee Roog na pexey o ngim onqe , na muckaa (a muc ale fi'eena yaam fop). A juga xa saar xa mayu kam Nqaariit Nqas ne waa na safakinaa a cangin ale na sadax feene fi'eena yaam fop .

- Roog kaa fex adna fee boo a ci'it a beem onqe ta fexna ndax oxu gimna no ten sanjkooxkee muk ndaa ndax ta jeg o ṽoow o fagkeer ole . (Sanj 3:16)
- O Mbaal onqe Roog na watnaa pakaad ke na adna fee (Sanj 1:29)
- Kiristaa Yeesu , ten fee cooxtoox nen su'nit yaam wiin we fop. (1 Timote 2:5-6)
- Yirmande fee Roog a feeṽlee ndax ta ref a cur a muc no wiin we fop . (Tiit 2:11)
- Kiristaa a xonna yaam wiin we fop . (Hebre 2:9)
- Kaa i ndoonnaa yaakaar in na Roog fa ṽoow jof fee , ten fee refna o Muumucil no wiin we fop . (1 Timote 4:10)
- Yeesu refu sadax fee na ṽufaa a qaw ale na pakaad in ... fo pakaad ken a adna fee fop . (1 Sanj 2:2)

Biibal fee kaa cooxtaa a cangin a fak , no ga, kaa nandit akaa yooneerna . O eetaand oxe refu wareef ne no kiin oxe ta jilan a xoox um o jab a Roog mbaat ta ñak o jab cit ne Roog na baasan ale fo no ñoow o fagkeer ole . O fikandeer ole kaa lokofo o magnel ole Roog na laytaa no ke ðaapeena too waagee ñak o fadnoox (a cil ale Roog no we mbarna o ngim) . Roog a and'a yaaga , a jil'a too a geekan a muc ale wiin leng leng ndaa o kiin oxe waru o jilan a xoox um o jab cit ne na muc ale na yirmande na pexey o ngim onqe na Kiristaa Yeesu .

“Yaasam Roog Fap fee no Yaal in Yeesu Kiristaa a barke’el , a barke a in , in we mbogna fa Kiristaa yee ta ci’na a in barke-yiif fuu refna na asamaan . Na Kiristaa, Roog kaa jil a in yaaga sakafulee adna fee , ndax i ted too ñak sik mbaamir um . Kam o mbeq um, Roog kaa yuub’u yee xan a fi a in xa beem ñac’it na pexey Yeesu Kiristaa . Keene kaa ref’u ke ta bugna fo ke feluuna . Yaaga boog fat i simat a Roog yaam um fee ta ci’na a in no fud o letu no Peem onqe ta fexna fex ” (Efes 1:3-6)

“Roog kaa heboox’u yaaga o nandand we ta jilna fo o Peem, ndax o Peem onqeene a ref taaw kam basil maak . We Roog a jilna yaaga koy, a xoya a den , soo we ta xoyna , ta jofand a den, we ta jofandna, ta ci a den a las no ndam onqe ten ”
(Rom 8:29-30).

“Roog jilu a nuun , nu ndef xa katakoon ... Roog Faap fee kaa jil a nuun yaaga yaam kaa yuub’un no mberand naa , ndax nu kesel na pexey Yiif Tedu le , nanan a Yeesu Kiristaa , soo nqoolandtel fo’oy le ten . Yaasam yirmande fa jam a mayfandel took nuun .” (1 Piyeer 1:1-2)

Ndaa koy , jofgoogee kaa jofna o kiin a foo gee Roog kaa fi’aa mo’atiran na cit ale ten too mayee fo o mbeq . Yirmande fee Roog kaa mat muut no we mbuguuna . Boo i laytaa no ke ðaapeena too a war o fadnoox , i mbariran o nga’it nen oxe Roog a fokateerna no ðaap ne na miuc ale ten .

- Fop a mbakaada too a mbara ndet na nqon fa fagkeerna .
- Kam o mbeq o mbagkeer onqe Roog, a ci’ta a muc ale na Yeesu , a ci’in we na mbeejlaa pakaad den too a nqoloox sadax fee Kiristaa na rabdaa bakaad ... watel no bakaad, njofoorantin ne fo o kiin fo sadax ne na ñufaa pakaad ke o kiin oxe fi’na a ndeer um fa Roog .
- Jolna cit ne Roog neene, o leng waagee o muc (A pi 4:12).

A juga fa lay tadik ka waageena o matrandel fo o magnel ole suu’nit nee i suu’nandeena/muclanteena.

1. No kee **faafna**, kam mucil’el no **toon bakaad es** (Jofandel).

Jofandel: Ka ref fa lay na Roog a layna ee ka i njeg a keenax a cofu mbaamir um took o ngim in soom na Yeesu. Keene kaa jeg no waxtu faa i gimnaa na Yeesu. (Rom 5:1)

2. Na watu fee **ndiiki**, mexey mucleen na **doole fe bakaad fe** (Tedlandel).

Tedlandel: A pi ale Roog a suptitaa a nqeeñ ake in o ndang o ndang too a suptaa a in ndax i saq jiko fee Yeesu. A supit a leene xan a suur boo yaa i nqonkaa mbaat boo yaa Yeesu a nomtooxidkaaxinaa. (Rom 6:22)

3. No **kee na garaa**, xam muclel **mbaamir bakaad fe** (A Mboxot o Ndam).

Mboxot o Ndam: O nqap onqaa Roog a sutnaa bakaad ke fop na xa ñoow in too a coox a in ceer qas kaa nqontooxnaa. Keene kaa jeg ta ref a ciinj fa ngon mbaat na kar a fikandeer ale Yeesu. (I Korint 15:51-54)

Keene ka tekit ee fa ngon fe Yeesu a mottanda fop ke Roog a bug'ina. Yeesu kaa lay ee, "a faga". I ñoow kee paax ke refna na muc ale fop no ñoow in na adna feeke. A juga mayu kaa yoqna i mbarnaa o cung.

A Taɓand ale na Cang ale

Yeesu kaa xon neen sadax suu'nit yaam wo fa mi. Fa ngon um kaa sex took o mbeq o magnu nqe Roog a jegna no sake le ten. A taxa bo Yeesu a jaɓ o coono na saax a mayu no ñoow um fo na ngon um. Fa ngon um kaa doy o cofel ole Roog too a giifin fuux maak le ten took in. Kaa wat a in no baf bakaad to a jofoorand a in fa Roog. A faxana wiin we fop a reefantin na suu'nit ale no bakaad fe Adama ne i lamnaa ino fop. Ten taxu, a muc a juga ngir fop we mbugnaa a ricoox bakaad den too a njaɓ ci'it yooɓu neena muc ale.

Lesong 7: A Muc ale II

Ndokand ne

A muc ale kaa ref ke yooḅna boo o njaac' sax a wagaan o and. Ndaa kaa long o long boo o yaal Yiif maak sax a wagaan o jang no ñoow o ñis um fop, too andkirand fop. No saar o leeke xan i ga ndik tadik ka wageernaa o ñak no a muc: o rimel o xas, tuub, fo njofoorand.

Mbeeñil nee na Pind ake: Efees 2:4–5

“KAA KOY, O PAAXEL OLE ROOG FO O MBEQ ONQE TA JEGNA NA IN KAA MAGIN LOOL. A TAXA BOO I ÑOOWATIN FA KIRISTAA, IN WE NDEETNA WAA NQONNA MBAAMIR UM YAAM TOOÑ IN. NEENE BOOG NA YIRMANDE ROOG NU MUCTU.”

- Nam o kiin a xontu boo ta jomkaa o refaa o kerceen?
- Xar taxu yirmande fee Roog a laytel a paax kam xa peng a xeeke?

Nee Roog a Taapitnaa a Muc ale

Andi ee o jaf olu refna teen kaa Roog a geenooxin. Roog kaa geennoogu a pi, a mottandaa a den, so a pi a keene fop a muukit na faap ne na muc ale ten.

God's part in implementing and culminating His plan of salvation.

- Faap fee kaa yuub'un yaaga (adna fee sakafulaand) na Kiristaa, we na ngimkaa too a ci a den da mbaag o nand fa Kiristaa . (Efes 1:3-5; Rom 8:29-30)
- Faap fee xooyu wiin we na Yeesu (Sañ 6:44) too a xoy a den na muc ale . (Rom 8:29-30)
- Yiif Tedu le na andnooraa adna fee yee na bakaad a ndefu. (Sañ 16:8-9)
- Yiif Tedu le na bogdaa too a ci'taa o ñjoow o xas ole yaa o kiin oxe a gimna (Sañ 3:3; Tiit 3:5)
- Roog na jofandaa o kimu xe . (Rom 4:25-5:1)
- Roog kaa fi'ataa o kimu ta refat o beem kam basil ne ten . (Rom 8:14-15)
- Roog kaa barke'aa kili o kimu xe too a maaknoorin no nand ole fa Kiristaa. (2 Korint 3:18)
- Xan Roog a yod' o kimu xe yaa Kiristaa a nomtooxidkaa . (Rom 8:30; Filip 3:20-21)

A seek no kiin na muc ale

- A seek ale no kiin oxen a muc ale refu ta jab o xooy yirmande Roog na pexey o ngim onqe . (Efes 2:8-9)
- O kiin oxe itam kaa jalaa , na pexey yirmande fee Roog , no ndimle nqe no Yiif Tedu le na barke'aa kili o kimu xe no njer um , no laaw um fo no yiif um , ta ñjak sik yaa o Yaal oxe Yeesu Kiristaa a nomtoosiidkaa . (Tiit 2:11-14; 1 Timote 4:7-8; Filip 2:12-13; 2 Piyeer 3:18, 2 Korint 3:18)

Ne a muc ale a fadnoortaa : A bind /nitaal ke

Rom 8:29-30

xooyel → jofandel → daaw o ndam
fop kaa refit no ndam Roog

O woor /o xoy

San n 16:8-11



1 Korint 1:9
2 Timote 1:8-9
Rom 8:29-30

A ticax

O ngim

Fes pakaad

O ñoow o xas


Efees 2:5
Tiit 3:5
1 Piyeer 1:23-25



Efees 2:8
Mark 1:14-15
A pi ake 20:21
2 Korint 7:10
1 Tesalonik 1:9-10

A Cofand ale


Fokatel kam Basil



Bakaad

Righteousness


Rom 3:21-31
2 Korint 5:21
Rom 5:9-11
Galati 2:16



Efees 1:4-5
Galati 4:5-6
Rom 8:15-16

O tede!

Daaw o ndam



2 Korint 3:18
Rom 12:1-2
Filip 2:12-13
1 Timote 4:7-8
1 Tesa 5:23-24
2 Piyeer 3:18



1 Korint 15:12-58
Rom 8:17-25

O woor ole



Ne ta bindteena kam Sanj 16:8-11, Yeesu a regit'a yee a cinj Pantekoot faa, xan Yiif Tedu a andnoor adna yee owey no bakaad , a andnoor a den o cofel fo hate. O Woor ole fogree fa a *Ticax* .

- Kaa ref andnoor mbaat fañ o yoon fo o pañ of ndax ta and fop ke na xewaa boo ta waag o jab mbaat ta xañ ndigil ne .
- O delem ole kaa nandit nen calel ke no Yiif Tedu le na ci'taa o woor yaam fop mbaagee o njañ ndigil ne .
- Adna fee a andnooree bakaad fee no xe gimeerna . O cofel ole refu ke Kiristaa a fi'na took a kurwaa le. Hate fee refu ken a cungaa oxe fañna gim too a xooloox a Kiristaa .
- Yiif Tedu le a waaga o lay fo o kiin oxe , na pexey fa Lay fee bindeena, /ware fa lay fee Roog.

O Xoy ale



kam Nqaariit Nqas ne , a jega xa saar xa leng leng , owaa na njiriiñooraa o delem " xooy" ndax ta cooxit o ga o xoolu no xoy ole xooyeena adna fee fop ndax da ngar me ten . (Mace 9:13; 22:14 a waaga o ref nen sambandaal mayu ; o ga oleene kaa xoolnel kam Lik 14:16-24 fa Sanj 7:37.)

O Xooy o jegu o Njiriiñ

Boo xa delem axe no "xooy" ole a njiriiñooreena kam Nqaariit Nqas ne no kaa jofna na muc ale, keene yoono fo o xooy ole fi'aneena fop no yegil mbaax ne , ndaa no xooy ole fi'eena no we na ñaaćaa no cofel no kaa jofna na muc ale too a ñaaća a paax ne ta waritna .

Oxe fi'na o Xooy ole:

- Roog Faap fee (1 Korint 1:9, 2 Tim 1:8-9, Rom 8:29-30; Gal 1:15, Efes 1:17-18).
 - "Roog kaa gore , no ten kaa nu nqooyel no njofoor ne no 'Peem , Yeesu Kiristaa o Yaal oxe " (1 Korint 1:9).
 - "yaaga koy, baa o sed o seede'an o Yaal in mbaat yaam mi fee bekeena kaso yaam o ten . Gec'nooxi na doole fee Roog a cooxtaa , jab o xij nen a mi , ndax yegil mbaax ne a jof mbaamir . Roog feene muclu a in , a xoy a in ndax i ted , refree koy ee a pi in a njarin . Kaa yuuć'un yaaga jamaane jegafulee . Keene koy , kaa inoor na yirmande fee i ndaawitna na Kiristaa Yeesu , " (2 Tim 1:8-9).
 - "Roog kaa heboox'u o nandan we ta jilna yaaga fo o 'Peem , ndax o 'Peem onqeene a ref taaw kam basil maak . We Roog a jilna yaaga koy, a xoy a den , soo we ta xoyna , ta jofan a den , we ta jofandna , ta ci a den a las no ndam onqe ten " (Rom 8:29-30).

Ke o Xooy ole a refna :

- O xooy ole kaa fi'el ndax ta refit ne Roog a daaptuuna too a feeñja kam camaane ke too Roog a geenin a den no jeg yiif um too a muukoor o ndam onqe ten (Rom 8:29-30).
- Keene kaa ref itam o xoy o maak, o tedu too a inoor na asamaan (Filip 3:14, 2 Timote 1:9, Hebre 3:1).
- Keene kaa ref calel ke Roog , neene kaa njiriiñooraa waare fee na fa lay fee Roog (Rom 10:17).
- Yee Kiristaa a cooxtooxanna baabakaad we na pexey waare fee no yegil mbaax ne , refree na muc ale na layteel ndaa o Muumucil oxe fa xoox um .
- Jegree ñañel leng na muc ale cooxteena too jegree itam ke na dikaa a in kam a muc ale –kaa may muut, a yoon fo o jeg a xoox um too jegree ke na dikaa itam .
- O xooy ole kaa ref ndax i ñaaćandoor (1 Korint 1:9), a qoolaand (1 Piyeer 2:9), jeg a xoox of (Galat 5:13), o tedel (1 Tesalonik 4:7), fo Maat ne ten (1 Tesalonik 2:12).

Tuub

O delem “tuub” kaa tekit “ nomtoox.” Na muc ale, tuub kaa tekit fes a cinj pakaad too reefand a Kiristaa .

- Fes bakaad a cinj kaa ref a ticax no ndigil.
- Reefand a Kiristaa kaa ref a pesoorof o ngim . Mbaage o nqaajel . O leng oxo waagee o feeñ too yoonnee fo o lakas oxo .
- O ñas ole Yiif Tedu a cooxtaa kaa ref tig tatkandeer ke na yirmande fee Roog na jalaa kam o ñoow ole no xe tuubna.
- Leng leng kaa layaa yee o ñoow o xas ole waru o adooxan o ngim onqe , yaam kaa layel ee , o paabakaad oxo kaa war o eet o jeg o ñoow o xas ndax ta waag o gim.
- Keene waaga ref kaa jofna , ndaa jaree o gec'nooxel , yaam keene, a waaga o layel ee boo o paabakaad o jegatna o ñoow o xas na pexey calel ke no Yiif Tedu le, xar taxu ta warat o gim?
- Of course, there can be no chronological order; regeneration, faith and repentance occur at the same moment.

Tuub ka fertaa yaa Roog xooytaa, mbaat yaa ta nqicaa o kiin oxo no Ten fo Xooxood um (Sanj 6:44). A qic a leene ka nand fo a qic no mbaal (Sanj 21:6) yaa doole ne farnaa kam fee a qicaa to doole nee Roog a riñaa. Roog kaa sutwaa a xuraa wiin we no Xooxood um nee ta bugtina. Ka fi a keene, no ndigil, yaa yegil mbaax ne a ware'eel mbaat yaa fa Lay um fe a niireel, too Yiif Tedu le a buraa o kiin oxo no bakaad.

O Rimel O Xas

O rimel o xas ka ref a pi yirmande fee Roog na waxtu fa na muc ale, a pi ala ta bista o laaw no ñoow ole (Efees 2:5).

- O rimel o xas ole fop kaa ref a pi yirmande fee Roog (Sanj 1:13; Sang 3:1-16). Kaa i ndaawaa o rimel o xas na waxtu fa deng i jaḡnaa a pi Roog ale na muclaa. (I Piyeer 1:23-25; Saak 1:18).
- Nee o rimel o xas a nandnaa kaa ref kunpa (Efees 2:1,5). I andaa ee a jegaa o ngap onqa i xon'inaa na yiif in yaam bakaad in (Efees 2:1), too no waxtu fu reefnaa ten ka i ñoofandel no yiif (Efees 2:5). Fa nqon fo o ñoow kon no saax o leene, kaa ne'aa ci'it Roog ne no ñoow o fagkeer ole.
- ñoow o xas o ndigil ka jegaa xa tim. Sanj ka lim xa tim xa mayu kam o leetar o eetand ole ten, axaa mbarnaa o reef took o ñoow o xas o leene yaa o kiin oxo refnaa o kiin o qas o ndigil.
 - Kee ta refeerna o ref o kiin o motu yoo, o kimu ndigil naangee o madaa o ñoow kam bakaad. (I Sanj 3:9).
 - Xanta jeg o mbeq o ndigil (I Sanj 4:7).
 - kimu xe ka wafaa o maaf adna fe (I Sanj 5:3-4).
 - We rimeena o rimel o xas ka ngayeel no Pañ oxo xañteena ta fi'a a den paaxeer (I Sanj 5:18).
 - Xa tim axe no Yiif le xanta maak (Galati 5:22-23).



O ngim

O ngim ka tekit xoloox a, mbaat falakoox a Yeesu Kiristaa, no ten oxo o ngim in a giynooxnaa.

- A muc ale kaa daawteel na muc ale , ref ee yaam a muc ale (Efes 2:8)
- O ngim onqeene ref ee o and ee i mboog ee i muca ndaa ngim na Kiristaa ndax i mbaag o muc .
- ngim ka fof o and, o woor /o jaḡ, fo a nqoolax.




- And a xela o jeg ndaa dooyee (Room 10:14). O kiin a wara o and a neew-neew ke taxnaa Yeesu a reef a Roog, fa nqon um fo a nqontax um yaam in. O kiin a wara and itam ee ka i mo too Yeesu a rega a in o ñoow a fagkeer ole i ngimangaa no Ten.
- Ndaa koy, o and soom dooyee. A yiif a paaxeer ake sax a andayo keene ndaa taxe ta njeg a muc ale (Saak 2:19).
- And fo o Jeḅ itam ndoyee. Re Nikodeem a adooxnaa o gar me Yeesu, a juga keeta and'ina na Yeesu to a jeḅ'a kaaga (Sanj 3:2), xañee Yeesu ka layin ee a soxla'a o jeg o rimel o xas (Sanj 3:3-5).
- bugangaa o jeg a muc, ke anduuma fo ke jaḅuuma na Yeesu ka waraam o fox ndax um xolooxin na baasand ale no bakaad ke fo no ñoow o fagkeer ole. O felem xoloox ka jeg o njiriñ meeke. Ka jel o ngim no leeng-leeng ke jegna soom.
- Xooloox a Yeesu ka tekkit jeg ngiḅoor fo Ten. (Sanj 6:37). Xooloox a Kiristaa ka ref keena cooxtaa o ngim onqa na muclaa.

LALGAND

A faaxa ndaa i cooxit lalgand kaa na xoolnaa a muc no xa saax xa leeng-leeng. No misaal: O bugangaa o lallit ne o ngim onqee na muclaa a reftina a qoolax, xoti o kiin o xeen a riñaa a burwet took o ḅaak no jelem. A fi'angaan boo a caf a mayu, xan wiin we a ngim ee a waagaan. Ndaa a qoolax ka jel keene. O jegangaa teen a qoolax, jaḅi o rok kam a burwet ale ga.

(a betandax ale Charles Blondin, 1859)



A Ticax


Kene refu ke laamteena : ar refu ken a adooxa , o ngim onqe ndii a ticax ale ? Keene jaree o laamtel too bug o and oxe hupna, jegee o njiriiñlt . Jegee oxe hupna o lakas oxe . O ngim onqe na muclaa kaa ref o ngim onqe na taxa i mbeejil pakaad in, too a ticax ale na ḅisaa no ñjoow ole kaa ref a ticax ale yoona fo o ngim .

Fes pakaad of a cinj kaa yoon fo a ticax ndigil , fapoox o xuun bakaad too nomtoox na Roog , too a nomtoox ale na Roog kaa feeñlaa o ngim kam yirmande fee Roog ne ta feeñliteena na Kiristaa. Yooḅee koy ndax o kiin a waag o xaajrand o ngim onqe fo a ticax ale .

(Mark 1:14-15; A pi ake 20:21; 2 Korint 7:10; 1 Tesalonik 1:9-10)

A ticax kaa yoon fo xeeñ suptooxu fo no bug na xa qos xa 4 axene.

- A qalaat a suptooxu no ke jofna na Roog .
- A qalaat a suptooxu no ke jofna na qoox in.
- A qalaat a suptooxu no ke jofna na bakaad .
- A suptax na kaa jofna no cofel .



A jolangaa a qalaat a qas ake i ndaawitna na Roog, in fa qoox in, bakaad fo o cofel in dara teen felee a Roog. O ñjoow o xas ale kaa suptaa a qeeñ in fo a qalaat in fo a pesoorof in itam .

“O ngim kaa ref na pesoorof no daaw a Yeesu too geɗnoox no ten soom ndax o jeg a muc ale . A ticax kaa jangnaa a in ee a sobangaa yee o ngim onqe i mbeejlaa kaa ref o ngim onqe na taxaa boo i mbaag o ñaac’aa no ne adna feeke a ñaac’taa, na yaaw ake no njer ne , no ke adna fee a bugna, fo no ke adna fee a niwna , ñoowaa kam a yuxum ake no nibaan ole , neene, o ngim in xan a ref nen calat fo gaci . O ngim ndigil kaa yoon fo a ticax ale fi’eenaa no ndigil. Too , nen o ngim a referna soom a pi ale na xewaa na waxtu fa leng ndaa na pesoorof ale na fi’eel bes fuu refna , mbaat xooloox too doon yaakaar of no Muumucil oxe , neene, a ticax kaa ref jeg kaa domoonga yaam ne tooñoonaa a Roog . Xeeñ naqadilooxu too a gooy yaam pakaad um, kaa ref o ñaas o safku no laaw ole no xe jegna o ngim .”

(John Murray, *a Muc ale fadnooxna too a ñooweel*)

A Cofand ale

Mbeeñil ne na Pind ake: Rom 3:28

“I ANDA YEE, O KIIN, NA PEXEY O NGIM A JOFTU MBAAMBIR ROOG, NDA REFEE YAAM NE TA REFAA KE KEBIL KE A SIMITNA.”


- Xar o telem “Jofandel” a tektu kam o saar o leeke?
- Ndax o kiin a waaga o jofandtel a pi a paax?
- Ndax a jega ke a pi a paax a dawirnaa fo a cofand ale?

Laamit ne warna o adoox na nqalaat in refu ne no ngiɓoor ne in fa Roog . Nam o kiinna waagu o jofit mbaamir Roog ? Nam a waagu o ñaac’it no ndigil fo o Tedu xe? Laamit ne war’ee o fod neene:nam o kiin a waagu jofit mbaamir Roog, ndaa nam o kiin o paabakaad a waagu o refit o cofu mbaamir Roog fa Tedu fee ?

O tontax ale kaa laltaa yee i soxla’a o supit ngiɓoor ne in fa Roog. A cofand ale kaa ref o tontax , o tontax no yirmande fee Roog . “Roog refu oxen a jofandaa: an refu oxe na hate’aa?” (Rom 8:33)

“tooñee” “xool” “jof”

- A cofand kam Nqaariit Nqas ne ka ref yaa Roog a laynaa o kiin ee a jofa (Rom. 3:20, 26, 28, fo mayu lakas). Kaa I tooñ mbamir Roog yaam bakaad. A cofand ka ref yaa Roog a laynaa ee bakaad in a mbasanee, to Yeesu Kiristaa a geenooxanna in cofu.
- A cofand kaa fof a basaan bakaad in to a coox a in o cofel ole Yeesu Kiristaa. Dik keene fop mbaage o ñak too ka jegandoora no ngap onqe a muc a jegna.
- A baasand ale soom doykooqe. A sup’anga Roog ka wasan bakaad in soom, kon i soxlakooqee ñoow paax mbaat moytoox paxeer yaam ka leng na den xaalkooqe a in.
- Roog ka coox a in, mbaat boog ka bakand a in o cofel ole Kiristaa (Rom 3:21-22; 4:3; 5:19). Ten taxu, a cofand a tekit a basaan pakaad in fo o jeg o cofel ole Kiristaa.



“Kiristaa fee moseerna o fi bakaad, Roog a gadnaan pakaad ke in, ndax no ten Roog a deet a in nen jofu” (2 Korint 5:21).

- A jega a pesoorofo a betak no yirmande feene :
 - Daap ne (Rom 3:21) kaa jofnoox no kiin oxe fo no calel ke Kiristaa .
 - Ke waageerna o ñak o jeg (Rom 3:22) refu o ngim na Kiristai
 - Njigan ne (Rom 3:24-25) refu fo'oy le Yeesu Kiristaa .
 - Me I ndefatna – boo o kiin a jabna a Kiristaa, kaa fokatoorataa fa Kiristaa . Keene na fi'an o kiin o cofu .
 - Ke na weejeel (Rom 3:26) ee o cofel ole Kiristaa , i ndaawna , refu ke motandna o bug ole Roog , too kaa soxla Roog fa xoox um a deet a in nen waa njofandeena (njof , oxe jegateerna tooñ)
- Ne i njofandeena taxu boo o mbatel no bakaad (Rom 6:2-10) (Kaa i nqon no bakaad too ñoowatin na Kiristaa).
- O cofel ole watu a in no sañ-sañ pakaad (Rom 6:11-14) (Na Kiristaa, bakaad refatee oxen a maadooxaa na in)

CALEL: TRIBINAL/COURTROOM SKIT

Laamti wiin dik we mbugnaa. O leng oxe xan a ref oxe tooñnaa bo a wegel, too dik lakas we xan a ndef yeeyetax we. Wo xe refna o caajangin oxe, xan o ref o qaaxate xe. Dooni a taabal of, moof ciinj um neen o qaaxate. Layi a kalas ale nee tiye a watkaa. Layi yeeyetax we ta ndokiid fo o wege xe/prisoner fe. Neene jangi keeta jambeel (xalati lakas kee ta waageena o jamb). Neene laamti o wege xe ta xoxit a xoox um. A layanga ee “xa’aa fi’iim keene”, laayi a kalas ale keeta xalaatna. Boo fop a ga’naa ee o ten buree, neene wo o qaaxate xe wagaa o rabid keeta alamaaneena wo fo xoxood of, to layin ta xot o cofel ole wo. Laalti a maak ke fiananoona. Layi a den ee a cangin a leeke xan a suur no lesong nee na reefkaa teen.

- Roog ka jofand a in too giynooxee took o paaxel in, ndaa kaa giyin fop no yirmaande. O leng waage o faax boo ta tax ta jeg o cofel ole xelna mbaamir Roog (Rom 1:18-3:20). A cofand ka daaweel neen ci’it yirmaande Roog (Rom 3:23-24; Efees 2:8-9; Tite 3:7).
- Roog kaa jofand a in no ngim in na Kiristaa. Ka i jofandel yaa i ngimna na Kiristaa. Keene fop ka giynoox took o paaxel ole Yeesu Kiristaa. A cofand kaa jegaa boo i xolooxnaa/gimna a Kiristaa. Ka giynoox fop took o paaxel ole Yeesu Kiristaa ndaa giynooxe took o paaxel in. (Rom 5:17-19).


Laamit ke

- Mosaa o xalaat ndax Roog oxey maadang o xawaa yaam bakaad ke fi’oona, a refanga sax no miñu kaa?
- Nam a cangin ale na cofand ale dimle’tong ndax o waag o jasnoor fo a qalaat a keene?

“o jeg” “ke i mbaagna o mbi”

Fokatel kam Basil

Fogat no basil ne Roog kaa ref no yirmande fee Roog fogreerna fo a pi a lakas ake no yirmande yoona fo o ñoow ole na muc ale. Deetel nen o cofu kaa tekit ne Roog a deetaa a in nen jofu na Kiristaa . O ñoow o xas kaa ref a suptax no xeeñ boo nandat fo nitaal ne Roog.Oxe fokateena no basil ne koy, kaa refataa o biy o ndime , o koor mbaat o tew , na Roog , too a daaw cit ke ngeekaneena basil ne Roog . Fokatel no basil kaa ref o ga no kiin oxe maakna fo no bark eke ta daawna kam basil ne Roog .



Mbeeñil na Pind ake: Rom 8:14-15

“WE YIIF LE ROOG A DOXAA FOP, XA PIY ROOG A NDEFU. YIIF LE NU NDAAWNA BEKEE A NUUN MUK NO MBAT, BOO A TAXKAA NU NDEFU NO DIID. YIIF LEENE O MAT REFU YIIF TEDU LE FI’NA A NUUN XA PIY ROOG BOO I NQOYATAA A ROOG “ABA, FAAP!”

- Doxel fo Yiif le Roog xar a tektu?
- Yiif le al doxangaa a in, ndax kaa in njalanaa a Roog?
- Inaa jalanaa a Roog, ndax kaaga ka tekit ee kaa i ndef “fa” um? Xoolni keene.
- Xar na xewaa yaa o ndeɓandong a fokateena kam ɓasil? Nam keene a laltitu ngiɓoor in fa Roog?

CALEL: TIRBINAL FE / COURTROOM SKIT (KA SUURNEL)

Ndiiki koy, wiin daduk weene ngar’ina, xan a lalit ke Roog a ɓataa no a tedland.

Ɓati o xembanatin saal ne tirbinal ne, fo o wege xe, fo yeeyetax we. Ɓati o wetand kalas ne ke xew’ina. Moyi o safkin, wo o qaaxate xe, ee rabdaa alamaan ne taxnaa boo tooñ ne a wat, too saqatee o lad o leng ole ta war’ina o rabbit neen o baawar no kiin. Too lalti axin o cofel o nqaaxate ole jechoona to cooxin o ten. Falakti o lalin ee xeeñ le jechoona no ten ka ref xeeñ yirmaande boo ta tax ndiiki xan o layin ee kaa refat o ɓeef. Jo’ti fa lay feene neen oxe jegna o daay o maak kam ceer yuffu too suti o xeeene weg’eenaa na ndok ale neen o ɓeef o xooxood of.

“Refat o ɓiy Roog” kaa ref soom a qot ale Roog a xotnaa in too a fokat a in kam ɓasil um (Rom 8:14-17).

Fi’el o ɓiy ka xatta no ngim onqe na muclaa.

Ka i ci’el o ñoow o xas yaa i rimeena o rimel o xas. Kaa i mbogat no ɓasil ne Roog yaam ka i mbokatel teen. Nqaariit Nqas ne ka lay, yaa i ngimnaa na Kiristaa, Roog ka fokatat a in kam ɓasil um. Xa teɓandoog axe Roog a fuuxan’ina a ndefata xa teɓandoong Roog ! (Efees 1:5; Galati 3:23–26)

Fi’el o ɓiy ka ɓisaa paaxu mayu.

Kaa i mbaagnoorel fop too mbarke’el yaam ne i mbogna no ɓasil ne Roog. Maak no ngim onqe koy, kaa war o yoon fo o daay yaam barke keene ,yaam o kimu xuu refna a waaga o daaw a den na waxtu fee ta jegna a muc ale . Fi’el o ɓiy ka ref no xa saax xa faq. Kaa i njeg ngiɓoor fa Roog neen Faap in, too jeg ngiɓoor fo gimu lakas we neen fog in goor fo rew. Keeke refu leeng-leeng ke no paax ke:

- I mbagaa o qed a Roog fo a qoolax ee a nana in ne Faap a nantaa xa ɓeem (Mace 7:7-11).
- Roog ka fex a in ne Faap (I Saŋ 3:1).
- Roog nangee o ñofandooxa a in, too kaa yirmaa in neen wa ta jaɓna neen xa ɓeem (Mace 6:32).
- Faap in naangee o waasaa a in i ndef neen wa njegeerna o maamal. A ci’a in Yiif Tedu leena raaga, a ci’taa doole, too a safkinaa (Lik 11:13).
- Neen Faap in, Roog ka geekan a in lam na asamaan (I Piyeer 14).
- Kaa i daawa a baasan bakaad yaam ka Roog a ref Faap in, ndaa reftee o qaaxate in (1 Saŋ 1:9).
- Roog ka yaraa a in yaam njiriñ in (Hebre 12:5-10).
- I njega ngiɓoor nqoofu fo gimu lakas we yaam ka i ndef ɓasil leng fa den (Rom 1:13; 8:12; 1 Kor. 1:10 fo mayu lakas).


- I jegaa o waaḅ ndax i ḅoxot a Roog Faap in o ndam nen xa teḅandong a ḅuuḅnita a qeeñ no maamal den (Mace 5:16).
- Kaa i jeg o mbeq onqa yooḅeerna a ndeer in boo ta ref o andiloor na muc ale in (I Saḅ 3:10).
- O mbeq o ngeene a ndeer Kerceen ke ka jeg doole boo ta yakaandoox a tet ake no aada ke fo qeet ke, too a jofoorand wiin we mbaag'eerna o njofoor (Efees 2:11-22) yaam mbañir nqoofu nee ta ñoowa.

Laamit ke

- Xar o ñoow o fagkeer ole a nanditkoogu i jeg'angaa o rimel o xas ole too jofandel, too i mbokataan no ḅasil ne Roog?
- And ee Roog a fokataang no ḅasil um, ndax a juga nee o yegtan no ceer of ?
- Xar o kiin oxe juga faap soxodu, fo faap na jegeerna o mbeq a xelu o fi ndax ta waag o moy o felakinoox no Faap ne Roog a refna?

O tedel

Kam lesong 6 fa 7 kaa i njeetayaa na kaa jofna na xa qos xa mayu no ne yirmande fee Roog , na eetaa o feeñ yaa i soogaa o ndef : Jeg o Woor fo o Xoy (Roog a xooyaa wiin we fop), a Ticax (yoona fo o ñoow o xas , o ngim fo fes pakaad of a cinj (no keene Roog a cooxtitaa o ñoow o xas ole no we na mbesaa pakaad den a cinj too a ngim na Kiristaa ndaw da ndaaw a muc ale), a cofand ale (no ten Roog a ci'aa a in i mbaag o ngeenoox mbaamir um , too fokatel no ḅasil (na tektaa ee Roog kaa fokat a in no ḅasil ne ten).



Na qaaj aleene, kaa i mbetandooxaa a seek no ne a muc ale a wareena o ñoowit , kaa ref ñaal oo ñaal , mbaat calel kaa na mbi'eel o ndang, o ndang too a refkaa kam o ñoow o ñis in fop. Kaa ref itam calel kaa o kiin oxe fa Roog a mbi'andooraa , oxuu refna a jeg teen wareef . Keene na xooyeel o Tedel ole: Calel ke Roog fo kiin oxe a mbi'andooraa na taxa boo i moy' o njeg a nqoox in , mbatel no bakaad too nand fa Kiristaa kam xa ñoow in .

O paabakad oxe fesna pakaad um a cinj , a gimat , kaa maad o maafraa fo "ngiin nqiid ne" too a soxla'a o ndimle nqe no Yiif Tedu le ndax ta ñoowit ne felna a Roog (Rom 6-8). Na waxtu fee o kiin oxe a juga a muc ale, Yiif Tedu le kaa genaa no ten (Saḅ 14:16-17, 1 Korint 6:19). Boo ta refeerna meen , o kiin oxe waagee o muc (Rom 8:9; Yuda 19). Ngenan ne no Yiif Tedu le kaa ref ke na woornaa yee Yeesu oxe kam o ñoow ole no kimu xe . A Pind a tedu ke kaa njagnaa a in ee ref ee kaa i ngetaa kam o ñoow ole ndaa kaa refna ndigil, too a ferooxaa yaa i ngimna .

Ne Biibal fee a watandaa a in i mbes pakaad in a cinj, weejil pakaad ke too gim na Roog (Heb 11:6; 1 Saḅ 1:6-9) kaa laltaa no ndigil ee, kuu i miñna took lanq ke fop oo, xan i soxla o maakaa kam o tedel ole , ne i mbaagna o ndefit wiin tedu clearly .

Mbeeñil ne no Pind ake: I Tessalonik 4:3


“For this is the will of God, your sanctification: that you abstain from sexual immorality;”

- Ndax andaa o bug ole Roog no ñoow of?
- Xar “o tedel” a tekti?
- A refangaa o bug Roog ndax i tedlandel, ndax keene ka juga no ndak fo ndukax?

Yooni fo o kend of, feetiyo kee guutatirna a ndeer tigil ke ndefna na jofandel fo tedlandeel o ndang o ndang.

	O Cafand ale	O tedel	
- Jofu - geenoox - jaf leng kut - calel ke Roog - Jof kam o ñoow ole - Leng kut ke a refu no gimu we fop			- Ne xeeñ le a nandna - Ke na maakaa - O kiin oxen a jalaandooraa fa Roog - Jofee kam o ñoow um - O and olaa fogreerna fo ole no lakas we

- A tedland ka ferta na muc ale (Tite 3:5; 2 Korint 5:17). “kaa i tedlandel”
- Ka suura too i njeg teen a seek kam o ñoow in fop. . “kaa i tedlandeel .”
No saax o leene, ka i mbukteel no mbañ bakaad. No saax o lakas ole, kaa i mbar o ñoxreel boo yaa i njegkaa a qoox in so mbuktoox no bakaad fe (Rom 6:13-14). A ñox a leene naa foxaa no nand a paax fo Kiristaa ne Nqaariit Nqas ne a laytan (2 Korint 3:18; Rom 12:1-2; Filip 3:13-14; Kolos 3:8-14). I moskee o sambir fo bakaad boo ta fag bala i nqetaa fa Kiristaa (Rom 6:19; 8:30), ndaa ka i ngorgoorlooxa yaam “pakaad ke in mbelee a in “(Murray 1955) (Rom 6:14; Saak 1:22-25).
- Boo i nqonnaa boo ndet maa no Yaal in, o tedel in xan a mot. “Xan i tedlandel .”
O laaw in xan a wuktel na bakaad fe gen’inaa no ten, too xan i “mottandel sik” 1 Korint 13:10; 1 Tesalonik 3:13; Heb 9:28; 12:23; 1 Sañ 3:2).
- Roog fo wiin we ka jalandoora na tedland ale. Yoq we kaa layaa ee a tedland, neen lakas ke ndefnaa na muc fop, kaa ref fop a pi Roog. Ndaa, kaa fi we a feetangaa kam bibal fe fo no ñoow ole, Roog fo wiin we o kiin o kiin a juga teen a seek. (i.e., Filip 2:12-13, I Timote 4:7-8, II Korint 3:18, Rom 12:1-2).



Waxtaan:

Njofnooxand ne refna nand fo Kiristaa deng, o kimu leng moskeerno waag o mottand took lanq.

Xar na taxkaa boo o pamb no kiin yamidkee na koorgoorlax um no keeta daawkeerna boo yaa ta retkaa na asamaan.? (Filip 3:12-14)

A seek ale Roog na tedland ale

- Roog Faap in jegu a seek a maak ale na tedland ale in (I Tessalonik 5:23). Ka feeñla in o bug um to a ci'aa in doole fa i mottandtunaa (Filip 2:13).
- Roog o Biy a juga a seek na tedland ale itam. O ñoow o jofu le ten ka cooxel gimu we refantin na Yiif Tedu le gennaa na den (Rom 5:10).
- Roog Yiif Tedu le ka jalaa calel cegu o njiriñ na tedland ale in. Paul fa Piyeer den fik fop ka layaa no kee jofnaa na “tedland ale no Yiif le” (2 Tes. 2:13; 1 Piyeer 1:2). Yiif Tedu le na cooxtaa “xa tim axe no Yiif le” (Gal. 5:22–23). I na maakaa, ka “i ñaaytaa Yiif le” too ka “Yiif le a foxaa in” (Gal. 5:16–18; cf. Rom. 8:14).

A seek ale no gimu we na tedland ale

- A seek in na tedland ale ka fertaa yaa i boxotooxna na Roog too xeboox o fi' keeta bugna (Rom 12:1-2).
- Kaa suura yaa i ngoorgoorlooxa na muc ale i giynoox took calel ke Roog a jalana na in (Rom 8:13 fo Filip 2:12-13). Teeti xa saar a xeeke to ga kee i safakinteenaa kam a tedland ale. Xa saar xa lakas axum nu mbaagu o baat teen?
 - (Hebre 12:14).
 - (I Tessalonik 4:3).
 - (I Sañ 3:3).
 - (2 Korint 6:14).
 - (2 Korint 7:1).
 - (2 Piyeer 1:5-8).

- (Hebre 10:24-25).
- (I Tessalonik 5:11).
- (Efees 4:2-3).
- (Galati 5:22-23).

Jolna calel ke ten ndefna cooxit a muc ale fo o tedel ole , Yiif Tedu le kaa andnooraa a in ee kaa i ndef no bakaad too a riŋaa a in na Yeesu (Saj 15:26; 16:8). Kaa jangnaa a in a Pind a Tedu ke (Saj 16:13-14). Ten na ci(taa o jeg yiif ole (Yob 32:8; 1 Korint 2:6-16; 2 Korint 3:14-17; 1 Saj 5:7,11). O ten na fokataa we ngimna no njer ne Kiristaa (1 Korint 12:13). Kaa ŋaasaa a den (Efes 1:13; 4:34).Kaa doxaa (Rom 8:14; Gal 5:16, 25), ci'taa doole (Gal 5:17, 22; Efes 5:9), kaa jangnaa (Saj 14:26; 16:13; 1 Cor 2:14, 1 Saj 2:20, 27).

Yiif Tedu kaa cooxtaa itam cit (Rom 12:3-8; 1 Korint 12:1-14; Efes 4:7-16; 1 Piyeer 4:10-11). Cit keene kaa mbi'el yaam jangu ne fop (1 Korint 10:33; 12:7) too kaa may too mbogree and are diverse in “no ne ndaawteel”, ne da laltinooxtaa , fo ke da mbi'aa (1 Korint 12:4-6).

Na cangin ale no Yiif Tedu le , xan i njeetaay no a aqatin ale na laytaa no ngenan ne no Yiif Tedu le (kam a muc ale) fo a mayfand ale no Yiif Tedu le (no waxtu boo no waxtu).

O toq o lakas olaa laamit o daaw olaa moyna o jigid refu o and ke Biibal fee a cangnita no ne i mbarna o moytoorit a cangin a lakas ake (diirooxan fa lay kebil ke Roog boo suur lay kaa ta layeerna) fo ŋaac'taa ne feloonga (ŋoowtaa ne feloonga yaam ne refateeroona no kebil ke ndaa no yirmande fee Roog) kam o tedel ole in in. Xa ŋoowof axeene kaa njeg-jafe jafe leng kut ne – ŋak o and yirmande fee fo calel ke oxe refna Yeesu a fi'na fo xar “ref na Kiristaa” a tektu.

Summary

A Tedland kaa wetandaa ndik fik:

1. Nee a pi ale i tedlandteena a muukitna. (Hebre 10:10; I Korint 1:30)
2. Nee tedland ne a jegtaa mbeet oo mbeet. (I Piyeer 2:2; Hebre 12:14; II Piyeer 3:18)

Peng leng ka fof tigil fik keene (Hebre 10:14).

“Neene, na pexey sadax fa leng ku, a fi'a boo we nqoolandeena no bakaad den a ŋak sik boo faw.”

Palakaand ke Roog a jalaa no ŋoow no kimu xu refna refu nand fa Kiristaa. Keene refu “tik leng kut ke” Paul a laynaa fa doole na Filip o Saar 3. (Rom 8:28-29; 1 Saj 3:2, Efes 4:13.

Roog kaa xeboox o fadatin calel um no kimu xu refna. (Saj 17:19; Efes 1:4; Filip 1:6)

A maak no yiif le naangee o jegteel na koorgoorlax, ndaa na qoolax a Roog. Xoloox kaa tekit i andilooxa ke Roog a fi'aa , na yirmande fo na pexey katil ne no Yiif Tedu le .

“Ten taxu, kaa nu mbar on tofit o ŋoow nuun no ngim a duuf, nu ngebooxin fo a qalaat fo o sadar a Roog. Yaam Roog na sakaa na nuun a posax fo a pi ne ta bugtuuna too paax oo.” (Filip 2:12-13)

²⁴ Roog oxe refna o leng, a ref o Muumucil in na pexey o Yaal in Yeesu Kiristaa, ten soom waagu o saytoox a nuun no njom nuu refna. O ndam um, nu ŋak sik, ndef no daay fo maat fa doole fa sañ-sañ no kaa xotitna no mberaand naa, a gar ndiiki bo na moos boo moos! Amiini.

(Yudaa 24-25)

Daaw o ndam

Daaw o ndam onqe refu ke falakna yaa i ñoowaa a muc ale . Keene na taxaa a ñaaç'noof a waag o mot , ten fee na dooraa fo o xoy yirmande le Roog fo ne ta xurtaa a in na muc ale . Daaw o ndam onqe kaa tekit jeg ke waafoogoona , no ke fop we njileena na Roog a ngeekaneena , yaam Roog a and'un yaaga , too ta yoon fo ne a muc ale a ñoowteel , fadnooxna too a daawteel no Yaal oxe Yeesu Kiristaa .



Ye Kiristaa a mucilna a in, ref'ee kaa wat'u soom a yiif in (mbaat xa laaw in) – kaa wat a in ne o mbodeena fop , too keene kaa fokat cer ke in mbateena. No ndigil, a bat ale no cer ke in xan a xew yaa Kiristaa a nomtooxiidkaa too a xontooxnoor cer ke in na fa ngon . No jamaane fee i ndefna, apootar Pool kaa lay ee kaa ta cungaa “*bes fee Roog a wataa cer ke in*”, too neene , a doona teen ee , “yaam no yaakaar neene , i muca ” (Rom 8:23-24). Ye ta laytaa no ñaal neene na garaa, Pool a laya “ fo ten, xan a daaw o ndam onqe” (Rom 8:17).

No muukand ne , a ñaaç' ale kam a muc ale kaa muukoortaa o ndam onqe daaweena: Yaam we ta andna yaaga, a jofanda a den itam ndax da nand fo nitaal ne no 'Peem , ndax ta ref taaw no basil magnu . Too we ta jofandna a xooya a den , too we ta xooyina ta jofan a den , too we ta cofan na **ta ci a den a las no ndam onqe.**

- Daaw a las no ndam onqe kaa ref a suptax no ndak fo ndak na xewkaa yaa cer nqontooxu ke in a mbokatoorkaa fo a yiif in .
 - A qontax ale no xon we na Kiristaa (1 Korint 15:12-34).
 - Cer qontooxu ke ndaawna o ndam (1 Korint 15:35-57).
- Me gimu we a ndaawtaa a las no ndam onqe kaa xooyeel itam asamaan fa nqas fo lanq qas (Rom 8:18-22).
 - Ye Aadama a bakaadna, Roog a salooxa lanq ke yaam o ten (No Mberaand naa 3:17-19).
 - Sake le kaa tayaa a bat ale fo tig qas ke na yoonkaa fo cer nqontooxu ken a ndaawkaa a las no ndam onqe .
- Xon we njegeerna a Kiristaa xan a nqontoox too a ndet no nqeloor , na bes faa na hate fa mbalakaan faa.
 - We ngonna too njeg'ee o ngim na Kiristaa(mbaat da ndeg'el o baawat oxe) xan a nqontoox ndax da ndet na hate fa mbalakaan faa (Dañel 12:2; Mace 25:31-46; Sañ 5:29; A pi ake 24:15; Mbeefijil 20:11-15)

“Ke Biibal a jangnaa no ke “waageerna o xon” refu a cangin ale no ndam onqe na garaa. Too o ndam onqe kaa ref a qontax . Boo a qontax ale no cer ke a jegeerna , fo ngiin ne no kiin oxe nomteena a nandat fo cer ke Kiristaa nqontooxna no ñaal ndadkandeerna , too no nand ole ten no mem no kiin olaa mayna fo o ndam ole ta feeñitkaa kam a eel ake na asamaan , a yoon fo katil magnu, maaga, i layitkatee no daaaw a las no ndam onqe .” (John Murray, a Muc ale Fadnooxna too a Ñoowel)

“Boo ke waagna o yaqoos a rokooxna ke waageerna o yakoox, too ke na xonnaa a rokoox ke xonkeerna , neene xan kene bindeena a fadnoox : “Fa nqon fee a duudee a lanq , o ndam a jega .” Cey fa nqon, taa fak of ? Kaam ee, fa nqon taa o feen ole o wartaa ?”

O feen ole na fa nqon refu bakaad , too sañ-sañ bakaad refu kebil ke . Ndaa o ndam a xela Roog , ten fee ci’na a in o ndam onqe na pexey o Yaal in Yeesu Kiristaa. Neene boog, fog es we fexuuma, ndalooxyo, safik , moy o njalanaa o Yaal oxe , yaam and’ee calel keene mbe’kee a koɓ. (1 Korint 15:54-58).

Laamit ke :

- Ndax a qontax ale no cer ke nuun na garaa refu leng no ke nu cungaa ta fadnoox ? Boo ta jegeerna, xar taxu ? Xar waagu o baat yaakaar nuun na nqontax ale no cer ke na garaa?
- Nam o ga of na Yeesu fo calel ke ten a nandu ndiiki, o gec’nooxangaa na cangin ale no sadax ne na ñufaa a qaw ale no bakaad fee (Lesonj 6) fo ne a muc ale a ñoowteel (Lesonj 7).

Bibliography

Geisler, Norman, L. *Chosen But Free*. Minneapolis, MN, Bethany Publishing Group, 2010.

Grudem, Wayne Arden. *Systematic Theology: An Introduction to Biblical Doctrine*. Grand Rapids / Leicester, MI: Zondervan / InterVarsity Press, 1994.

Holladay, Tom and Warren, Kay. *Foundations: 11 Core Truths to Build Your Life On, Volume I*. Grand Rapids, Zondervan, 2003.

Kunhiyop, Samuel Waje. *African Christian Theology*. Grand Rapids, MI, Zondervan, 2012.

Murray, John. *Redemption Accomplished and Applied*. Grand Rapids, MI: W. B. Eerdmans, 1955.

Ryrie, Charles, C. *Basic Theology*. Chicago, Moody Publishers, 1999.